



101

2 3 4 5 6 7 8 9

200

1 2 3 4 5 6 7 8 9 210

1 2 3 4 5 6 7 8 9 220

丁翁上度請大藏更  
家書寫文武州禁山

我微笑塔院灰府中承  
為學者不敢許出院內

當山二世鐵牛禪師



R 64853

L40-4814

佛說菩薩念佛三昧經品目

卷第一

序品第一

不空見本事品第二

卷第二

神通品第三

卷第三

彌勒神通品第四

讚佛音聲辯才品第五

讚如來功德品第六

101 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

卷第四

如來神力證正說品第七

不空見勸清品第八

讚三昧相品第九

正觀品第十

卷第五

正觀品第十之餘

微密王品第十一

三法品第十二

卷第六

勸持品第十三

諸菩薩本行品第十四

正念品第十五

大衆奉持品第十六

# 佛說菩薩念佛三昧經卷第一

劉宋天竺沙門功德直共玄暢譯

## 序品第一

如是我聞一時佛住王舍城耆闍崛山與大比丘衆一千二百五十人俱皆是阿羅漢諸漏已盡無復煩惱調伏縱任善脫無脫深知無知所作已辦逮得無我捨諸重擔除滅九結決定解脫諸心自在猶如大龍唯除阿難爾時難陀天子修難陀天子栴檀天子修摩那天子自在天子大自在天子阿逸多天子修行天子如是無數淨居天子於夜後分光色倍常耆闍崛山欵然大明時諸天子往世尊所一心恭敬頂禮佛足以天細末栴檀之香多摩羅跋沉水天香天華蔓香俱修摩等種種華香以散佛上重禮佛足右繞三匝却住一面合掌向佛時栴檀天子默然生念過去諸佛皆爲諸天世人沙門婆羅門演諸佛所說菩薩念佛三昧復作是念今我世尊亦應如昔過去諸佛安樂世間諸人天故宣說菩薩念佛三昧時諸天子俱白佛言世尊過去諸佛皆說菩薩念佛三昧安樂世間人天八部唯願世尊如昔諸佛廣爲衆生說此三昧爾時世尊默然許之時諸天子繞佛三匝

頂禮佛足忽然不現爾時世尊於夜後分明相出時  
 熙怡微笑作大師子聲歎之聲耆闍崛山別住諸僧  
 承佛神力俱到佛所王舍大城諸比丘尼蒙佛威聲  
 亦悉同集摩竭提國阿闍世王先尼梵子與無量億  
 卷屬圍繞承佛神力於一念頃俱到佛所復有阿羅  
 婆迦夜叉伽陀婆夜叉金毗羅夜叉修脂路摩夜叉  
 摩羅阨利夜叉如是等夜叉神王有大威力一一皆  
 有百千卷屬乘佛神力於一念頃至耆闍崛山復有  
 羅睺羅阿修羅王毗摩質多羅阿修羅王修婆聯阿  
 修羅王波呵羅頭阿修羅王及其眷屬如是乃至三  
 千世界天龍龍王無量無邊生希有心肅然毛豎承  
 佛神力於一念頃往到佛所東方世界如恒河沙梵  
 天天王聞佛聲歎肅然毛豎往到佛所自餘三方及  
 上下方亦復如是時給孤獨須達長者亦與無數百  
 千眷屬從舍衛城往到佛所時毗耶離有大長者名  
 曰善思次名降怨次名吉祥復有離車諸王子等名  
 歡喜象次名舉象復有斷事庶士首陀名曰光象如  
 是一切皆大乘學與無量衆承佛神力往到佛所時  
 賢婆城有庶士子名曰庠序次名饒益復有大長者  
 子名無量力如是等衆已於過去種諸善根有大威

德承佛神力往到佛所時波羅奈無量衆生宿植德  
 本今已成熟從波羅奈鱗次相繼步至佛所稽首作  
 禮侍立左右是時拘尸那竭大城無量力士及力士  
 子已於過去供養諸佛植諸善業具大威德從拘尸  
 那共相和順隨路貫次往到佛所至心恭敬前頂禮  
 足是時三千大千世界縱廣正等佛神力故一切八  
 部天龍夜叉乾闥婆王阿修羅王迦樓羅王緊那羅  
 王摩睺羅伽如是等衆皆來集會間無空缺爾時世  
 尊見衆已集復更發大師子之聲從僧坊出近至異  
 處遙見彼方其地衆寶世尊尼已復更微笑卽時世  
 間人天阿修羅各持無量末香雜華以散佛上至心  
 恭敬尊重讚歎是時衆中長老舍利弗長老大目犍  
 連長老摩訶迦葉長老須菩提長老富樓那彌多羅  
 尼子長老羅睺羅長老摩訶金毗羅長老摩訶迦旃  
 延長老阿毘樓駄長老刺柰婆羅長老輸盧那二十  
 億子長老難陀長老阿難陀皆有威德具足神通如  
 是聖衆悉已俱集爾時衆中長老彌勒菩薩三界菩  
 薩越三界菩薩初發心卽轉法輪菩薩善思菩薩大  
 音聲菩薩持地菩薩文殊師利童子菩薩不空見菩  
 薩如是等衆無量無邊已曾供養過去諸佛深種善

薩無數行願久發無上菩提之心爾時長老不空見  
菩薩欲知如來神通之相微笑之意更正衣服繞佛  
三匝却住一面合掌向佛卽說偈言

最勝無爲 雨足世尊 爲調御故

現斯熙怡 富能開慧 令貧滿足

佛演法施 明發亦然 一切世間

之所歸趣 以何因緣 示此微笑

無上正覺 願爲我說

爾時世尊告不空見汝見彼處衆寶地不不空見言  
唯然已見如是不空見彼地乃是往昔諸佛之所遊  
化時不空見心自念言我宜速疾至彼地所如其相  
貌心入三昧入三昧已爲佛世尊化作種種衆寶法  
座卽如其念施置座已往詣佛所勸請如來昇此寶  
座白言世尊此處皆是往古來今諸佛如來遊踐之地  
是時世尊往到彼處卽就法座於一念頃如來應  
正徧知力故此刹三千大千世界六種震動踊徧踊  
等徧踊震徧震等徧震吼徧吼等徧吼動徧動等徧  
動搖徧搖等徧搖起徧起等徧起東踊西沒西踊東  
沒南踊北沒北踊南沒西踊東沒東踊西沒北踊南  
沒南踊北沒光明徧照無量世界一念之間一切衆

生乃至阿鼻地獄悉受快樂

佛昇法座

如日輝耀

一切世間

之所歸仰

震動大千

咸生欣悅

佛登寶座

如日顯照

一切世間

頂戴法王

欲令衆生

普獲安樂

佛就座已

如日融明

一切世間

遵承法王

放淨光明

照諸刹土

奇哉斯乘

乘之最勝

異哉斯乘

無能過者

暫現之處

已不可量

善哉斯乘

乘之弘大

乘是乘者

不可思議

諸天魔梵

所不能測

爾時世尊廣長舌相徧覆三千大千世界普告聲聞及衆菩薩諸善男子一心靜聽是夜難陀天子修難陀天子栴檀天子修摩那天子自在天子大自在天子阿逸多天子修行天子如是無數淨居天子於夜後分光色倍常耆闍崛山欵然大明爾時諸天來詣佛所一心恭敬頂禮佛足以天細末栴檀之香多摩羅跋沉水天香天華曼香俱修摩等種種華香以散佛上重禮佛足右繞三匝却住一面合掌向佛供養恭敬尊重讚歎是時栴檀天子默然生念過去諸佛

應正徧知皆爲人天沙門婆羅門敷演諸佛所說菩薩念佛三昧今我世尊亦應如昔過去諸佛安樂衆生宣說菩薩念佛三昧時諸天子作是勸請我默然許如是比丘梅檀天子難陁天子無量淨居諸天子等知我許已忽然不現爾時世尊卽說偈言

告諸比丘

於後夜時

諸天身色

光焰倍常

耆闍崛山

歎然大明

供養尊重

圍繞世主

難陁天子

善喜天子

善意天子

梅檀天子

自在天子

及大自在

阿逸天子

善行天子

如是無量

淨居天子

有大神力

來至我所

廣設種種

珍妙供養

皆共恭敬

右繞三匝

頭面禮足

却住一面

梅檀天子

默然住已

發心欲爲

教化衆生

請說菩薩

念佛三昧

往昔諸佛

已曾說故

善哉釋迦

十力如來

說三摩提

欲令一切

得安樂故

佛默然許

時諸天子

已知垂允

我亦於此

耆闍崛山

如過去佛

所說三昧 時諸天子 已知如來  
 默然許之 歡喜快樂 右繞三匝  
 禮足而去 比丘聽我 所演三昧  
 如昔諸佛 莫生疑惑 如來智慧  
 不可思議 過去諸佛 最上菩提  
 於諸知見 心無疑網 如今現在  
 第一菩提 我皆了知 心無滯礙  
 若當來世 次成菩提 欲爲憐愍  
 將來世故 我亦明曉 心無毫疑  
 是故如來 深解無窮 智力無礙  
 不可思議 非彼所知 我悉究盡  
 一切衆生 不測其奧

**不空見本事品第二**

爾時世尊告長老舍利弗長老目犍連長老大迦葉  
 長老須菩提長老富樓那彌多羅尼子諸天世人皆  
 已來集汝等比丘各昇法座作師子吼所以者何此  
 衆多有諸聲聞人聞師子吼悉得解脫爾時世尊告  
 彌勒菩薩越三界菩薩不思議菩薩不空見菩薩汝  
 等卽時請如來演諸佛所說真實功德師子吼音不  
 空見言如是世尊唯然已聞卽說偈讚

身色如金 百福莊嚴 爲憐愍故  
 了達真諦 功德具足 名譽遠流  
 今日世尊 以何因緣 於大衆中  
 令我請問 正覺無倫 最上莫過  
 功德法王 大智難窮 調伏世間  
 以何因緣 於大衆中 令我請問  
 如來淨戒 定智解脫 解脫知見  
 悉皆無等 今我善逝 以何因緣  
 於大衆中 令我請問 威德無比  
 得度彼岸 法王世尊 能爲衆生  
 作大利益 善逝何因 於大衆中  
 令我請問 百劫修慈 習近悲處  
 辭才無滯 善逝何因 於大衆中  
 令我請問 最上法王 普利羣生  
 貧者得富 盲者得視 楚毒永息  
 恐畏獲安 以何因緣 令我請問  
 佛身淨妙 塵垢不汚 如來之衣  
 種種雜色 世尊族姓 王中之王  
 以何因緣 令我請問 佛所著衣  
 去身四指 而不離身 身能降怨

經

佛說法華經疏卷之二

七

甲五

以何因緣	令我請問	如來行處
無諸坑坎	智慧力故	所履皆平
以何因緣	令我請問	如來之身
不增不減	行步平正	不邪不曲
妙絕常倫	難可思議	以何因緣
令我請問	仰瞻尊顏	目不暫徙
佛行不假	神足之力	威儀自然
庠序可觀	若爲廻曠	之所捉持
迷悶失心	無所覺者	若覩世尊
於一念頃	諸惡永離	還得正念
若有衆生	觸佛足塵	於七日中
身心快樂	命終之後	得生善處
歸命世尊	施一切樂	若有人病
極受衆苦	佛以手摩	卽得除愈
善逝曠劫	悉得一切	不可思議
無數安樂	佛昔勇猛	攝取當來
無量劫中	所得淨法	我於是處
無疑異心	以何因緣	令我請問
過去當來	天中特尊	令遇調伏
人中大仙	以何因緣	令我請問

爾時世尊告不空見諦聽諦聽善思念之不空見言  
 唯然世尊告不空見我憶往昔無央數劫爾時有王  
 名無量力有大神通勢力自在是王住處造立大城  
 城名善建縱廣正等十二由延其城七重面有三門  
 門城皆以金銀瑠璃玻瓈瑪瑙真珠珊瑚莊校嚴麗  
 漵亦七重皆悉七寶是諸門外以金銀沙布飾其地  
 一門兩邊各有金銀四闕相對如是不空見又以金  
 銀作大羅網彌覆門上金網處處懸於銀鈴銀網往  
 往垂於金鈴風吹鈴網皆作箜篌樂器之聲宮商調  
 暢更相應和王造城已安處其中斯城漿外有七池  
 沼金銀玻瓈珊瑚所成此諸池沼有七階道亦是七  
 寶之所莊校金階道者銀爲欄楯銀階道者金爲欄  
 樯銀爲階道真珠欄楯真珠階道瑠璃欄楯玻瓈階  
 道珊瑚欄楯珊瑚階道真珠欄楯真珠階道金爲欄  
 樯如是不空見無量力王植衆奇華優鉢羅華鉢頭  
 莫華拘物頭華分陁利華邢梨尼華香氣調柔無憊  
 借者隨意採之其池岸上種諸華樹所謂伊賀華樹  
 尼賀華樹迦多尼華樹阿提目多迦華樹瞻葡萄樹  
 玻瓈師華樹拘毗陁羅華樹陁菟伽梨華樹此諸華  
 樹氣若天香亦無守護隨意而取又不空見是善建

城有多羅樹七重行列悉以七寶互相間錯金多羅樹銀葉華果銀多羅樹赤真珠葉華果亦然白真珠樹瑠璃爲葉華果亦然瑠璃樹者玻瓈爲葉華果亦然玻瓈樹者瑪瑙爲葉華果亦然瑪瑙樹者赤真珠葉華果亦然赤真珠樹珊瑚爲葉華果亦然珊瑚樹者金爲其葉華果亦然不空見風吹諸樹更相振觸出微妙聲譬如樂師善能擊發五種之音又不空見王所住處如是衆聲恒不斷絕象聲馬聲車聲軍聲螺聲鼓聲簫聲笛聲箜篌琵琶歌舞之聲如是衆聲未曾暫廢王常宣令境內人民若有所須衣服飲食象馬車乘恣隨其意一切給與多羅樹間常出樂音諸人遊之五欲自娛王視國人如父念子一切奉王猶若慈父又不空見善建城內開諸街巷廓邑市肆處處復有四寶池沼其池相去盡一箭道是池四岸衆寶階陞金階銀欄銀階金欄玻瓈珊瑚間錯亦然又不空見王於諸池植衆名華復於池上種襍華樹伊尼魯華樹迦曇婆華樹阿提目多伽華樹瞻葡萄華樹唵菟迦利華樹芳如天香亦無惜者城內又建諸園林觀種種華果行列其間復於園中四方周匝處處皆造諸妙華池亦以七寶莊飾如前有衆妓女更

相娛樂一切人民恣意遊適又不空見無量力王族  
 姓豪傑大刹利種所生父母乃至七世胤相承悉  
 皆清淨容色端雅人中獨絕財寶巨億不可稱計又  
 不空見無量力王深信弘慧虛心大施施諸沙門及  
 婆羅門乃至盲聾瘡殘百疾貧窮孤獨困厄之人王  
 所統領八萬四千城邑聚落淨業果報七寶莊飾一  
 一城上復造八萬四千栴檀衆妙樓櫳是諸門外開  
 四衢路路首悉起嚴麗臺觀一切人民任意遊戲常  
 於初夜樓觀臺殿巷陌廓里悉然燈燭其明猛盛徧  
 照國界衆生蒙允身心快樂又不空見王有二子一  
 名師子二名弟子意久發無上菩提之願名稱遠聞  
 具大威德爾時有佛號曰寶肩如來應正徧知明行  
 足善逝世間解無上士調御丈夫天人師佛世尊出  
 現於世作是唱言我於今世及以後世沙門婆羅門  
 天人阿修羅大衆之中一切知見普爲羣生說諸妙  
 法初中後善語善義善具足清白梵行之相與大羅  
 漢七百千萬億皆具神通威德自在寶肩如來於晨  
 朝時齊整衣服執持應器比丘翼從入城乞食時無  
 量力共其二子在高樓上歡娛受樂王遙觀佛功德  
 相好生奇特心欣躍無極眷屬圍繞俱到宮門告其

二子速齋香華幢旛妓樂疾至佛所卽以牛頭栴檀  
末香諸妙珍異以供養佛及比丘僧右旋三匝頭頂  
禮足却住一面又不空見王與二子請寶肩佛及聲  
聞衆盡其形壽施諸所安寶肩如來於天人中教化  
已周將般涅槃時王知佛不久住世與其二子臣民  
眷屬前後導從至涅槃所如來爾時滅度已訖頭面  
敬禮悲號啼哭以身投地如太山崩作是唱言世間  
眼滅重更哀嗟世間眼滅如來涅槃一何駛哉猶商  
失主佛滅亦然世間黑闇盲無慧目槌脣拍頭舉聲  
大叫嗚咽枝淚告其二子辦諸香湯洗浴如來又以  
種種妙香塗身一切散華及諸華鬢無量妙衣纏如  
來身七寶爲棺以鐵爲槨聚赤栴檀高一由旬縱廣  
正等一拘盧舍復以華香散於積上酥油千器以灌  
栴檀然後起火火旣發已復更號慟灑淚如雨爾時  
師子作是念言世尊涅槃我生何爲亦當隨佛入於  
涅槃立此誓訖重以種種珍妙香華散於積上白毛  
纏身手執火炬自投火中火卽猛盛爲利衆生歸依  
世尊而說偈願讚詠如來

如大珍寶聚 世間之所尊 生死苦永盡  
於斯般涅槃 自從今已往 不覩轉法輪

經

佛說法華經卷第十三

三

四

我所奉法王 已入於涅槃 宣揚廣大義  
 不可復重布 何當在大眾 聞說於菩提  
 諸天及世人 歡喜讚善說 我於今日後  
 絶不思議聲 世間勝調御 於此而沉淪  
 龍神阿脩羅 及以緊那羅 欣悅常歌歎  
 不復聞斯音 貧者得滿足 苦惱蒙救護  
 世尊今涅槃 悉喪所依怙 父王無量力  
 及弟師子意 亦復無慈蔭 更不聞說法  
 我亦隨世尊 速取於滅度 世間無明導  
 何用苦生焉 今焚此毒身 願獲不思議  
 我昔與父王 常於長夜中 勤供佛法僧  
 今得獲果報 若我於佛所 修習諸善行  
 爲調伏世間 得不思議故 爲令諸衆生  
 發不思議願 世尊般涅槃 我投火盛時  
 若人見聞者 一切得成佛 唯除邪謗人  
 及證正位者 若我修菩薩 廣大無量行  
 衆生夢見者 皆令得佛道 唯除邪謗人  
 及證正位者 此身如聚沫 要必當有死  
 一切衆生類 若食我肉者 是等不可量  
 疾當得成佛 我修菩薩行 惡口罵詈者

是人值調御 必當得成佛 唯除邪謗人  
 及證正位者 若人於我身 修於慈悲觀  
 求第一菩提 速得成佛道 唯除邪謗人  
 及證正位者 以是燒身緣 爲求彼此願  
 若我心真實 卽還見佛起 設得更覩佛  
 如先住世者 我身投火中 猶前侍佛時  
 佛起如真身 今覩不異昔 爾乃證諸佛  
 相續常不斷 唯願普眼尊 懇攝於世間  
 佛知王子心 渴仰甚殷重 卽於火聚中  
 奮大神通力 如從三昧起 光相倍明顯  
 不可思議衆 咎歎未曾有 廣爲時會人  
 更作大利益 所化旣已畢 還入於涅槃  
 師子旣見佛 示大威神力 身心甚欣悅  
 坦然快安樂 深知諸佛法 不可得思議  
 如來雖涅槃 猶應衆生願 不思議戒定  
 智慧與解脫 及解脫知見 神化不可量  
 歸依於世尊 然後當放身 世間妙威儀  
 聰勝無倫匹 自在諸神力 亦復無等雙  
 如來還涅槃 一切感驚惋 是故我至心  
 歸依普眼尊 歸命於善逝 累盡無爲主

歸命永離苦 憐愍於世間 正智徧觀察  
了達知他心 除諸煩惱病 成就無量衆  
大醫人中尊 施不思議藥 能善除世間  
一切衆疾苦  
須臾供養福  
若我讚如來  
一念之功德  
歸依無上師  
哀矜衆生者  
如是諸淨業  
願施於一切  
如是不空見時天魔梵及餘一切世間人民悉見師  
子投身盛火皆大悲憫生奇特心命終之後卽生梵  
天有大神力威勢自在是梵爾時中心念言云何忽  
然來生此間重更思惟往昔人中已曾奉侍寶肩如  
來至心恭敬尊重讚歎佛涅槃已燒身供養復說偈  
頌發弘誓願乘此善業得生梵天我今當往至燒身  
所是梵卽時忽然不現譬如壯士屈伸臂頃便到如  
來闍維之處以天栴檀沉水碎香俱修摩華多摩羅  
跋種種香華不可稱數徧散空中如雨而下十方交  
紛若風旋雪供養寶肩如來舍利向無量方說其本  
緣我是王子師子之身投火供養命過之者唯願大  
王不加慈念我今已蒙獲諸善利田昔至誠虔恭奉  
侍尊重歌歎寶肩如來功德果報得生梵天是故大  
王與師子意應共珍敬受持妙法收取舍利分布供

101

200

100

100

222

養無令遺落而生懈怠大王當知我生梵天亦常敬持受此勝法作是言已忽然不現又不空見無量力王與師子意取水滅火以諸妙香衆華寶鬘幢幡妓樂種種供養須臾之頃周徧八萬四千城邑悉起八萬四千塔廟皆以七珍莊校嚴麗是諸寶塔高一由延縱廣正等一拘盧舍於一一塔周匝各然八萬四千衆香油燈是諸塔間復以種種香華妓樂供養如意經歷八萬四千劫中不墮惡道又於八萬四千億劫親近供養六萬諸佛次第奉敬常不斷絕世世恒作輪轉聖王又不空見寶肩如來涅槃之後時有菩薩現於世間名普密王爲愍世間出家學道菩提樹下結跏趺坐一心定意正智解脫豁然大悟得無上道又不空見是師子梵至普密王佛世尊所住在虛空以天栴檀供養於佛右繞三匝稽首作禮請轉法輪而白佛言唯願世尊從道場起摧諸魔軍於淨神智無所毀損願世間師哀從定寤調御有解諸聲聞衆開演美妙善逝之法如來前身久修智慧攝受善法今爲人尊過去世中已發弘誓願得佛時當度未度今願已滿得安隱處最勝無爲寂然妙樂當開耳

露解衆三結爾時世尊默然許之時彼大梵及無數天既知如來當轉法輪咸共歡喜踊悅無量梵天子時設諸妙供卽發大願求無上道遇普密王應正偏知生我淨妙功德之聚以此果報於生死中常得親近覩十方佛若我供養佛菩提樹如是種種所修功德願慈愍故爲我說法以此果報於生死中常得讚歎諸佛塔廟又不空見師子王子燒此一身以是功德所修善根恒住梵世值五千佛供養敬侍尊重讚歎植諸善根發不思願汝不空見莫生此疑時無量力王豈異人乎我身是也時不空見卽白佛言是二王子爲今現在爲已滅度唯然世尊願爲說之告不空見爾時王子師子意者彌勒是也時師子者汝身是也王子師子捨此一身寶肩如來佛法之中教化成就三萬衆生安住阿耨多羅三藐三菩提心爾時世尊卽說偈言

憶念宿世時  寶肩無量眼  出現於世間  
廣利一切衆  金色百福嚴  慈矜哀愍故  
深解真實諦  爲度諸世間  顯示甚深法  
濟苦惱衆生  寶肩正徧知  一切世間尊  
三輪善逝衆  七十二億千  與是諸大衆

入城共分衛  
 眇有大國王  
 名爲無量力  
 自在大威德  
 勢能伏一切  
 其王與二子  
 俱遊高臺觀  
 王於臺觀上  
 遙覩調伏仙  
 寶肩天人師  
 翼從諸比丘  
 速迎人中尊  
 既至如來所  
 即廣設妙供  
 頂禮繞三匝  
 却立合掌住  
 諸壽奉所安  
 衣服及餚饍  
 八萬四千歲  
 奉施未嘗息  
 淨心求菩提  
 時佛既滅度  
 爲彼寶肩佛  
 故造七寶塔  
 微妙甚端雅  
 一一佛塔然  
 時王無量力  
 復於善逝處  
 深心以供養  
 已種不思議  
 歷事六萬佛  
 一切世間依  
 無上勝菩提  
 比丘莫疑惑  
 汝善聰慧者  
 勿生於異見  
 今則我身是  
 雜華及衆香  
 爲利闡浮提  
 供養於如來  
 聞法亦復然  
 曾無懶憊意  
 寶肩正覺尊  
 無上大明智  
 汝昔曾燒身

供養於大仙 自投猛火中 初無畏苦心  
 燒身如然炷 以油滯其上 漸漸不頓盡  
 譬如淨燈炷 爲利衆生故 供養涅槃佛  
 彼佛已燒身 汝知方便請 親佛從火起  
 光相更明顯 見佛不異昔 心生恃怙想  
 卽時捨此身 爲益一切故 若我果斯願  
 敬佛亦如前 所獲諸功德 不可得思議  
 我若有宿願 摄受先世業 合集百千萬  
 必當得見佛 我願若真實 佛應從火起  
 佛智甚清淨 究竟無染著 泊然常寂滅  
 相續恒不斷 知師子心淨 亦先照其意  
 佛便從火起 相好更殊特 不空見菩薩  
 世間怙旣起 一切願無餘 彼復發誓願  
 其願不思議 不可得稱數 法主矜世故  
 起於猛火中 善逝難思力 光明更殊勝  
 彼時一切衆 皆悉懷驚愕 淨心發高歎  
 欣躍未曾有 奇哉大神通 勢力無倫匹  
 甚深佛境界 不可得思議 一千諸衆生  
 見此神變已 於諸法不受 善得心解脫  
 不空見當知 師子爲世間 請佛還起時

經

佛說法華經卷第十二

五

一千諸衆生 於彼善逝處 覩佛神變化  
 其心正趣向 無上菩提道 大悲爲世間  
 廣作利益已 佛遠入涅槃 師子亦捨身  
 卽於命終時 忽然生梵天 梵天從上來  
 以天栴檀末 散之以供養 如來闍維處  
 寶肩滅度已 有佛普答王 鼇勝人中尊  
 天王之大仙 哀愍衆生故 出現於世間  
 是佛坐道樹 得成菩提已 梵天設美膳  
 供養於世尊 頭面接足禮 請佛轉法輪  
 普密王如來 卽知梵天心 默然而許之  
 梵天大欣慶 復於燒身所 更發諸大願  
 是梵已曾修 不可思議善 箇於一劫中  
 供養五千佛 至心敬世怙 奉侍人中尊  
 又告不空見 慎莫懷疑惑 汝若有聰慧  
 勿生於異見 昔日梵天者 今卽汝身是  
 過去五千佛 善逝般涅槃 我悉明見汝  
 一諸佛前 燒身以供養 求第一菩提  
 過去多千佛 減度遺舍利 如是諸佛所  
 捨身及手足 爲利衆生故 修習菩薩行  
 近世及遠世 我悉咸了知 常於百千生

勸修諸苦行 佛在及涅槃 汝願恒滿足  
 復告不空見 如此諸大願 攝取過去世  
 無量百千生 我住自在力 今悉照知之  
 汝聖果成就 卽時皆明見  
 真實諸行等 住佛前讚歎 供養兩足尊  
 是故今勸請 衆聖之法王 普密王佛所  
 攝取最勝願 蒙佛現神通 汝今獲此果  
 不空見菩薩 白言牟尼尊  
 云何得攝取 願少爲敷析  
 不空見昔誓 雷音成佛時  
 我當請說法 先佛名帝幢  
 一切諸衆生 所共歸依處  
 求無上菩提 爲日光如來  
 汝時於彼處 已發最勝願  
 此願我悉知 作大七寶輪  
 奉今修伽陀 造七寶僧坊  
 卽時而捨去 雜色以莊嚴  
 名不可思議 廣施未來佛  
 端飾甚微妙 天中天大仙  
 明燈供養已 是處發大願  
 是處發大願 近世及遠世

多有諸如來 千億那由他 其數復倍上  
 於是諸佛所 發無量大願 令一切衆生  
 悉獲快安樂 普密王佛前 先生如是念  
 我今說汝昔 修行至菩提 願一切大地  
 皆生種種華 雲雷音佛所 爲利世間故  
 爾時發誓願 若有諸衆生 聞我名字者  
 一切皆得佛 於帝幢佛所 設大珍妙供  
 復發諸善願 若眼見我者 於此世界中  
 皆當得成佛 在日光佛所 奉上七寶輪  
 無量大光燄 炫晃甚爛麗 時復發願已

誓生佛刹土 七寶嚴僧坊 雜色甚雅好  
 以此珍奇特 奉施於善逝 又發誓願已  
 得天妙宮殿 斯處快歡樂 皆悉成佛道  
 人中師子王 無上如來所 奉上珍寶益  
 發於殊勝願 願諸衆生類 不爲日所暴  
 身心得安樂 無復熱惱患 美身善逝所  
 供施燈明已 復發弘誓願 若我命過處  
 衆生食肉者 願皆成佛道 若聞我名者  
 無有貪慾心 乃至夢中聞 亦無愛惜意  
 一切成佛道 唯除見諦者 若眼見汝者

除諸貪嫉意 畫夜夢見時 亦捨染著心  
 一切當得佛 唯除見諦者 若人愍念汝  
 或生憎嫉者 是等於汝所 當得佛法王  
 若汝臨終時 又勤求菩提 我今如實說  
 汝之真功德 必於當來世 獲是無上尊  
 若有處水陸 空行衆生等 食我身肉者  
 願悉得成佛 我已知汝爲 安樂衆生故  
 勸修菩薩道 滿足大千行  
 是故不顯現 如此衆生類 衆生多疑謗  
 若得信念等 及以歡喜心 卽時於是處  
 唯除見諦者 若人願樂見 世間所尊怙  
 或樂轉法輪 有樂免衆苦 是人爲菩提  
 利益故發心 若有樂供養 三世諸法王  
 若人欲出生 一切功德聚 如是衆生等  
 應持此三昧

爾時世尊說是偈已卽從座起還入僧坊於常靜室  
 右脅而臥

佛說菩薩念佛三昧經卷第一

校讎

第七紙

十七行主  
南藏作王  
本

音釋

欵 許勿切

苦定切欵苦猶忽也

聲欵 音苦定切欵苦

切聲欵

豎

上主切

魍魎 音兩魍魎音兩魍魎

七念切遶

立也

柵

上主切

魍魎 音兩魍魎音兩魍魎

七念切遶

立也

魍魎 音兩魍魎音兩魍魎

七念切遶

立也

柵

柵

張直庚切

魍魎 音兩魍魎音兩魍魎

七念切遶

立也

魍魎 音兩魍魎音兩魍魎

七念切遶

立也

柵

柵

烏貫切

魍魎 音兩魍魎音兩魍魎

七念切遶

立也

魍魎 音兩魍魎音兩魍魎

七念切遶

立也

柵

柵

佛說菩薩念佛三昧經卷第二

劉宋天竺沙門功德直共玄暢譯

神通品第三

爾時長老舍利弗長老目犍連長老阿難諸天魔梵及阿脩羅沙門婆羅門闍浮提人咸生是念今日如來應正徧知以何因緣於大衆中直說念佛三昧名字不爲一切廣演分別便從座起而入靜室時不空見心自念言諸天魔梵悉已集會世尊今者右脅而臥我當微現神通變化示神通已種種讚歎宣揚如來大悲功德當如其相持心入定以是定力變此三

千大千世界地平如掌皆作衆寶微妙雜色復列八  
道七寶諸樹金多羅樹銀葉華果銀多羅樹瑠璃華  
果餘寶莊嚴亦復如此一切佛刹懸縉旛蓋妙幢寶  
鬘種種綺飾優鉢羅華鉢頭摩華拘物頭華分陁利  
華如是諸華布一切處時不空見卽如所念現大神  
通乃至三千大千世界令諸衆生天龍夜叉乾闥婆  
阿脩羅緊那羅摩睺羅伽人非人等皆坐衆寶蓮華  
之上華葉無數色香具足各相知見坐寶蓮華時不  
空見又以定心入此三昧現大神通復令三千大千  
世界地大震動如摩竭國赤圓銅鉢置平石上傾危  
不定大地震動亦復如是若有衆生聞此音聲覺悟  
之者皆得快樂譬如東方不動國土亦如西方安樂  
世界其中衆生歡娛踊悅時不空見復以清淨恬寂  
調和柔潤端直至直無曲甚深定心如其相類示無  
作神通於是三千大千世界滿虛空中雨大猛火無  
一衆生身心熱惱諸羣生大火觸身覺是相已快樂  
無比譬如比丘入火三昧身心欣躍彼亦如是時  
不空見復以定心現無作神通又令三千大千世界  
雨天栴檀細末之香香氣氤氳徧滿大千若有衆生  
艱斯香者開神適體快樂無極譬若釋迦牟尼如來

於昔劫中修菩薩行定光佛所受記前時獲不思議無生妙樂一念之頃不可計衆亦得如是隨意歡娛爾時阿難在大衆中而作是念佛入靜室是誰神力而現斯變爲餘聲聞目犍連等將非彌勒菩薩越三界菩薩文殊師利菩薩不空見菩薩爲是修習大乘之人乃能示此神變之相爾時阿難問目連言世尊說汝於聲聞中神通變化爲最第一今此通變非爾爲耶目連答言長老阿難汝問何緣有是神通如此變化非我所爲長老阿難我所能者以此三千大千世界內置口中無一衆生生覺知想復次阿難我遊梵天發言音響徧聞大千如是阿難我在佛前作師子吼能以須彌內置口中若經一劫若過一劫阿難我又住彼焰天言語音聲此間世界皆悉聞知長老阿難我移於天神堂閣置闇浮提而不動搖又告阿難我降伏惡性毒害難陁龍王優鉢難陁諸龍王等又能摧摩弊魔波旬復次阿難我往東方過三三千還住第三世界之中彼有大城號曰寶門凡有六萬億千家屬令彼家家皆見我身復能使此諸衆生等聞說無常苦空之音復次阿難我實有此諸妙神通未曾示現我今處在蓮華之座悉見諸方一一

方分有阿僧祇無數如來皆名釋迦牟尼世尊處處  
僧坊右脅而卧覩佛刹土有如是相猶我天眼見千  
世界若斯相貌是誰神通時目犍連卽說偈言

善修最勝

獲四神足

今我神通

無與等者

唯除自然

世間之師

我今住此

閻浮提界

動彼東方

諸佛刹土

帝釋宮殿

諸媛女等

覺此震動

皆悉驚悚

我能含吐

諸佛刹土

大海山川

城邑聚落

難陁龍王

及跋難陁

如斯族類

性甚毒害

我之神力

悉能摧伏

我住梵宮

言語之音

令此世間

皆悉聞知

能住佛前

吞須彌山

經百千歲

乃至曠劫

住焰世界

凡有聲響

使此刹土

莫不聞之

我往寶城

變身普現

徧在六萬

億千之家

我於此生

未現斯變

阿難當知

吾今所現

善哉竒特

靈化神通

我自見身

及諸衆生

悉共坐此

寶蓮華上

歷觀十方

大威世尊

我從昔來

未見斯瑞

不疑如來

自然神變

或是菩薩

威神之力

爾時長老大目犍連說此神通師子吼時十千衆生皆得人身遠塵離垢獲法眼淨爾時阿難問舍利弗如來說汝智慧第一今此神變將不汝耶答言阿難非我爲也我所能者二十年中常勤修習毗婆舍那行住坐卧正念觀察其心澄寂曾無動亂分別顯說無量諸法方便精求不出法界唯有如來乃能究竟長老阿難汝頗知不若我以衣置於大地目連雖有自在神通盡其勢力不能令動長老阿難汝今當知我於佛前作師子吼諸大聲聞具六神通三果學士天人魔梵阿脩羅神沙門婆羅門一切間浮外道異學尼捷子等來在會中若能自知身無我者我今當以三摩跋提決定爲之師子吼說大丈夫說不思議說唯除世尊一切知見彌勒菩薩一生補處住無生忍菩薩摩訶薩海德三昧菩薩摩訶薩善建德三昧菩薩摩訶薩諸佛現前三昧菩薩摩訶薩大德聲聞今可問我如此身者何者是我爲可見耶不可見又問異學諸外道等汝所計身有神我者爲是過去

爲當現在長老阿難我如是相種種神通變化非  
聲聞緣覺所不能知亦不能見何者是我所言我者  
爲住何處聞如是聲長老阿難吾常精勤修丈夫業  
亦復恒習知解之行我今更有心自在力我能伏心  
心不伏我長老阿難吾自見身及以天人坐大蓮華  
又見諸方在在處處無數難思阿僧祇界覩佛世尊  
坐道樹下大梵天子請轉法輪吾當隨順聞如是聲  
我眼悉見諸世界中種種繒蓋幢幡華蔓如我卽時  
見此忍土長老阿難我心念言爲是世尊作此神通  
大德聲聞之所爲乎菩薩往昔曾種善根今獲如斯  
變化果報時舍利弗卽說偈言

如來不思議 如是佛功德 若有善逝衆  
神通廣難思 及諸佛弟子 有學無學衆  
於此刹土中 我智最第一 唯除諸菩薩  
信念深固者 長老阿難陁 我慧無等雙  
現在及未來 無能見過者 除世調御尊  
及趣菩提人 我恒勤修習 毗婆舍那行  
滿足二十年 觀察一切法 精心方便求  
未曾得邊際 我所有智慧 不可得稱量  
我以智慧力 現在於佛前 能師子吼說

卷之二

佛說金剛經卷之二

六

六

唯除異學人 及行聲聞乘 求我真實者  
 若我現神通 飛騰虛空時 此刹無人見  
 吾之所遊處 聲聞亦不覩 唯除世間唯  
 獄別兩足尊 及以善逝子 如是諸人等  
 知我之所在 外道衆邪見 悉非凡境界  
 心常自在轉 禪悅不思議 若有大士業  
 修習深空行 長老阿難陁 我現此神通  
 一切聲聞衆 終不能得知 奇哉於今日  
 悉覩十方佛 我在蓮華座 明見諸刹土  
 建列不思議 寶幢妙華香 一切世界中  
變化不可稱 長老我心念 不疑是世尊  
 威德善逝衆 種種變化事 或是不空見  
 菩薩之所爲

是舍利弗師子吼時一萬三千諸衆生等遠塵離垢  
 得法眼淨時大迦葉亦在衆中阿難心念是大迦葉  
 威德具足神通自在今者變化將非是耶於是阿難  
 問迦葉言此之靈奇是大德乎迦葉答言斯神化相  
 非我所爲吾以智力悉能分別顯示一切長老阿難  
 我今住於世尊之前作師子吼能以三千大千世界  
 其中諸水江河谿壑泉源池沼百千萬億無量巨海

一切水聚吸置口中悉使枯涸令諸水性魚龍之屬  
 都不覺知亦無惱害長老阿難汝今當知我於佛前  
 諸天世人梵魔沙門一切衆中師子正說無畏之言  
 我力能吹須彌山王大轉輪山雪山山王乃至三千  
 大千世界一切諸山皆成微塵依此山者都不覺知  
 長老阿難我能如是得此自在神通之力復次阿難  
 我又能吹三千大千諸世界中一時皆成猛焰熾火  
 譬如劫燒將盡之時一切衆生亦不覺知又無燒害  
 热惱之者又不生念燒刹土想我神力相具足如是  
 長老阿難吾住此間天眼遠矚東方世界億百千刹  
 諸佛國土始處處燒終同一火我旣見已心生念言  
 今當示現神通變化卽如其相以三昧力住此世界  
 過於東方億百千刹能以一氣吹彼猛火悉令俱滅  
 火旣滅已從三昧起復更發大炎盛之火長老阿難  
 我神通相及波羅蜜如是滿足若有人天生疑不信  
 世尊今者右脅而卧若從定起汝可往問唯佛如來  
 能知此耳世尊于時於靜室中逢語阿難大德迦葉  
 說師子吼汝善受持爾時人天阿脩羅等皆共歎言  
 奇哉上座摩訶迦葉師子吼時三億衆生皆得人身  
 遠塵離垢得法眼淨八十五百千那由他諸天亦皆

離垢得法眼淨長老不空見菩薩彌勒菩薩文殊師  
利童子菩薩越三界菩薩如是無量諸菩薩等皆被  
堅固弘誓之鎧聞大迦葉師子吼說以篋盛華揣如  
須彌作此變化供養迦葉爰及一切聲聞大衆空中  
復化作七寶蓋一一聲聞各陰一蓋爾時長老摩訶  
迦葉見是寶蓋語阿難言此衆決定大乘之行作是  
種種神變之事長老阿難我坐蓮華處處方所見佛  
世尊不可稱計阿僧祇數復覩諸刹七寶嚴淨雜色  
間錯微妙無極其中衆生更相迎接悉見彼國豐樂  
之相譬如三十三天之上貪醉華鬘愛著瓔珞諸天  
身色如月光明於虛空中有化寶蓋一一衆生各蔭  
一蓋亦如我今等無有異處處佛刹無量菩薩從兜  
率天降神母胎長老阿難我今所見奇哉達行及師  
子吼此實非凡之所能爲如是瑞相現大神通爾時  
長老摩訶迦葉卽於衆中而說偈言

阿難汝當知 我以念定力 現在於佛前  
以是三千界 此佛定刹土 一切諸巨海  
大小江河等 無量種水聚 我以神通故  
悉能吸彼水 置之於口中 雖皆令枯涸  
衆生無傷損 不惱於水性 此刹衆須彌

黑山諸山等 我住神竒力 悉能吹散之  
 我以聰慧智 又用神通化 令此佛刹土  
 一切成煙焰 衆生不熱惱 亦無畏懼想  
 我住於此界 見彼東方國 阿僧祇刹土  
 悉爲火所焚 奇哉難思力 令彼火卽滅  
 旣見諸神力 如此自在行 令無數佛刹  
 悉無有毀損 我處蓮華座 見此諸刹土  
 種種皆端妙 妙傑妙儔匹 又觀兜率天  
 菩薩降神時 不疑諸善逝 心達自在者  
 爲是諸聲聞 不空見菩薩 爲彌勒大士  
 而有斯瑞相

爾時阿難心生念言是富樓那彌多羅尼子說法人中最爲第一今在此會有大神德決定諸法得到彼岸如是神通將非已耶我今當問卽便白言唯富樓那如是瑞相大德爲乎答言非也長老阿難我之神通調伏利益諸衆生故力能示現以手掌摩此之三千大千世界不令衆生有傷損者若有衆生樂神通力示現翻覆大千世界譬如勇健巨力丈夫以指捻取迦利沙槃上下挑擲不以爲難我以右手轉側三千大千世界亦復如是無一衆生有惱害者長老阿

難若此三千大千水界我以手指一點取之悉著口中亦無衆生生知覺想我於佛前作此神通長老阿難於夜初分我以清淨勝妙天眼於此三千大千世界歷觀諸方何者衆生於法疑滯當爲除斷卽以天眼觀諸方時處處見有四方世界其土廣大無數衆生迷於正法長老阿難我心念言不起此座往彼破疑卽如三昧清淨寂定調和柔潤正直之心斷彼衆生於法疑惑我於會中演說法時一一衆生謂在其前長老阿難夜既初分四方各有無數千衆悉得安住於聖法中三萬衆生皆受禁戒六萬衆生歸依三寶從三昧起我如是相神通變化悉能斷除衆生疑惑長老阿難我能安住於此世界以淨天眼見於北方降怨國界從此佛土過三萬刹有一衆生於法疑惑是世界中佛般涅槃應聲聞法之所化度我心念言當斷其惑不往彼處卽於此坐遙令衆生自然調順長老阿難我今卽時如意心相入此三昧無數衆生作法光明如是相貌我之聲聞諸波羅蜜皆已滿足若使有人於此衆中脫生疑網不信受者如來起時自可往問卽於是時佛神力故虛空之中出大音聲阿難汝今如是受持如富樓那師子正說時諸人

天阿脩羅等皆歎奇哉實爲希有聲聞神通相貌如此豈況如來真境界乎時諸人天作此讚已富樓那彌多羅尼子卽於衆中而說偈言

我諸漏已盡 決定到彼岸 永脫一切生  
 爲世所歸依 旣入於衆數 異佛神通力  
 右手能翻覆 天地山河等 不令一衆生  
 而有傷損者 長老我神通 勢力實如此  
 若有三千界 大千之水聚 於此佛土中  
 或見或不見 我能以一指 悉點內口中  
 不使諸衆生 而有覺知想 我於初夜時  
 天眼觀諸方 何者衆生等 於法有疑惑  
 當住神通力 悉爲除斷之 我見一衆生  
 於法墮疑網 若有淳善心 倉幕求法者  
 吾不起此座 悉除彼疑惑 四方千億衆  
 我以淨眼施 能令彼生信 使發佛菩提  
 時有三萬人 從我受禁戒 六萬諸衆生  
 歸依於如來 其心得寂靜 安住正法中  
 我於初夜時 示現妙神通 一念於此坐  
 歷觀東北方 周觀過千刹 正降怨世界  
 彼有一衆生 心疑於諸法 我住此佛刹

101

200

201

202

被人疑於法 欲令見正路 今決其迷惑  
 長老我神通 智力實如斯 唯佛能哀愍  
 一切諸世間 此處人不信 可往問世尊  
 我今坐蓮華 見彼佛涅槃 處處方剎土  
 閻維如來身 及見佛殊特 爲是誰神力  
 又如我所見 諸佛般涅槃 廣遠甚弘雅  
 不可得思議 爲是佛所作 聲聞之人耶  
 爾時阿難心生念言此羅睺羅是佛之子有大威德  
 神通自在今亦在此大衆之中如是變化將非已耶  
 阿難即便問羅睺羅汝於戒學得到彼岸此之神通  
 汝所爲乎羅睺答言非我所作長老阿難我如是相  
 種種百千威德神力隨意自在爲佛之子或隱或顯  
 未曾憶念不嘗在前亦未示現長老阿難我能以此  
 三千大千世界之中百億四天下百億日月百億大  
 海百億須彌百億大小轉輪之山如是廣大諸餘山  
 等以四神足置一毛端不令衆生有傷損者於四天  
 下不相逼迫彼此去來亦無妨礙吾之神通自在如  
 此長老阿難我能以此三千大千一切水界大海江  
 潟谿澗池沼以一毛孔嗽置口中源流派別本相分  
 明其中衆生適性不改水之盈竭亦不覺知長老阿

難我住此土如定心相入此三昧見東北方難生如來我在此刹白淨王所撮取一把栴檀末香供養彼刹一切諸佛其香芬烈乃至十方難生世尊化作臺觀高十由延七寶所成卽在此處燒衆天香復於臺上化作寶蓋其蓋足高億千由延縱廣正等百千由延彼世界中一切衆生皆共幻作栴檀樓閣其樓上高百千由延縱廣正等五千由延如是無量在寶臺中各各莊嚴不相障礙長老阿難瑞相如是我於聲聞具波羅蜜或有生疑不能信者世尊若起自可往問我師子吼如來證知時羅睺羅卽說偈言

長老阿難陀 我以大千界

百億四天下

及無數佛刹 如是諸刹上

悉入一毛孔

我神通如是

無可譬類者

世界甚廣大

不滿一毛孔

各安去來業

悉不相妨礙

我能如是示

神力不虛行

須彌寶山王

及大小轉輪

復有諸餘山

皆入一毛孔

以我神變力

彼此不相礙

長老我如是

示此神奇相

悉見入毛孔

而身不疲倦

我又神足力

以此大千界

江河大海水

吸內毛孔中

而此佛刹土

一切大水聚

當入毛孔時 區別不渾亂 我枉善逝前  
 示現於神通 若疑不信者 往問普眼尊  
 我處蓮華座 見十方菩薩 頭目及妻子  
 施以求菩提 奇哉我所見 實生希有心  
 不疑於世尊 所作之神變 爲諸大威德  
 善逝聲聞衆 爲是不空見 彌勒菩薩等  
 長老羅睺羅師子吼時八十七億百千那由他諸天  
 人等得法眼淨是諸天等見法到法選擇衆法明了  
 於法如是相類當設供養以天栴檀細末之香以用  
 奉散羅睺羅上奇哉佛子離垢清淨住大乘行深妙  
 之法能演師子殊妙之音善哉羅睺羅未來之世當  
 師子吼猶若今日爾時阿難心生念言此須菩提阿  
 蘭若行最爲第一而無等雙今是大德在此會中世  
 尊常說此須菩提能作種種無量神通阿難卽問須  
 菩提言如是變化將非汝耶答言長老非我所爲我  
 能常樂不捨閑處如彼定心入此三昧以是三千大  
 千世界置一毛端極微之分周迴旋轉如陶家輪其  
 中衆生無覺知者長老阿難我於佛前能師子吼正  
 說無畏吾以一氣吹此三千大千世界悉令燒盡不  
 使衆生有熱惱想我曾示現如此神變能在佛前說

師子吼以此大千世界衆生置一指端上昇虛空彼此寂然無諸音聲不相觸礙及覺知者長老阿難我之所能如彼定心入此三昧以清淨眼一時矚對八方上下六萬諸佛一一方中又覩六萬百千世界諸佛如來彼處次第見無前後長老阿難我如定心如其相貌作神通行住此閻浮須彌山頂釋提桓因所居天宮攝取一把栴檀末香俱時徧散十方諸佛紛綸彌漫以用供養我住此刹見彼衆生恭敬尊重讚歎如來彼土衆生悉知我是釋迦如來應正徧知聲聞之中空閑第一長老阿難我之神通如是相貌究竟彼岸若此人天於我生疑有不信者往問世尊如來自當知此三昧時佛神力於虛空中震大音聲告阿難言如須菩提正說師子無畏之音汝可受持時諸人天梵魔沙門一切閻浮阿脩羅等既得法利生希有心驚愕毛豎歎言奇哉聲聞神變乃能如此豈況如來種種神力無數三昧真實者哉時須菩提知諸人天已得法利卽說偈言

世間師稱我 阿蘭若最勝 安住禪解脫  
現無量神力 長老阿難施 我能以大地  
置於一毛鋒 旋之而不危 亦如陶家輪

雖轉不傾側 又於世尊前 破碎一切地

及以諸山嶽 無有損傷者 我住神足力  
威勢皆如此 我能以手掌 舉刹及衆生

安置虛空中 從上次第下 亦無一衆生  
驚疑怖畏者 我入三昧時 見彼東方佛

其數有六萬 南方亦復然 我復見西方  
六萬世間尊 北方及上下 斯數亦如是

及觀衆樓閣 妙絕無等倫 以少栴檀末  
供養諸世尊 我實有若斯 無垢神通行

能大師子吼 及諸示現等 不能深信者  
可往問如來 我無衆生想 亦無無生想

無佛無法想 一切無相故

### 佛說菩薩念佛三昧經卷第二

#### 音釋

**恬** 徒恭切

安靜也 慄也

切吸

許及哩也

涸脣各切

水竭也

矚切

欲視

**懼** 徒恭切

篋詰叶切

箱屬

揣

徒官切

官切

妙少也

乃

**盛** 徒恭切

底音成財也

擗

徒弔切

振也

妙少也

乃

**擗** 七活切

兩

擗

擗取也

**奉** 佛弟子明洪施費刻此

**佛說菩薩念佛三昧經第二卷**

嘉興沙彌道樸

江浦賈國政書

長洲晏承爵刻

萬曆辛卯孟冬清涼山妙德禪院識

梅

佛說菩薩念佛三昧經卷第三

劉宋天竺沙門功德直共玄暢譯

彌勒神通品第四

爾時彌勒菩薩摩訶薩心生念言是諸聲聞有大威德無數神通各各自說大師子吼我當於此人天魔梵沙門婆羅門聲聞菩薩大眾之前微現神變卽於晨朝語阿難言大德今可正衣持鉢共往佛所到已頭面禮如來足白言世尊我今欲入王舍城中分衛乞食世尊知時默然而許於是彌勒告阿難曰我向心念初受食處於此衆生先當令發無上道心然後

乃取此人飯食大德阿難我已發意今便共行入城乞食諸大長者婆羅門家到已持鉢默然而住長者見已即便白言善來比丘久望慈顧願聖今者受我蔬食彌勒菩薩語長者言我今未能受爾供養汝若能種無上菩提善根因緣當受汝食是時長者卽白彌勒若能以我所施之食供養恒沙諸佛世尊然後乃當發菩提心決定大乘真實之行所以者何我於先佛種善根故時阿逸多答長者言若能安住如是誓願我當以食供養恒沙諸佛世尊皆使周徧長者復言唯然仁者我當真實發大誓願願以此食供養恒沙諸佛世尊悉令周普如是三白爾時彌勒語長者言汝今便可時施所供當以獻上恒沙諸佛爾時長者卽以名膳奉授彌勒彌勒受已於長者前一念之頃忽然往彼恒沙佛所供養周徧奉設旣畢還長者家長者見是神通之相歎言希有踊悅無量我今復應種諸善根奉施甘果餚膳美味嚴飾牀座皆悉豐足長者復持一切珍寶香華華鬘金衣素氈俱其往詣至如來所到已頭面敬禮佛足於如來前發菩提心又立大願而作誓言若有衆生修菩提行聞我施食善根因緣一切當得無上菩提若吾斯願誠諦

卷之三

二十一

二十

不虛必當獲得阿耨多羅三藐三菩提時無數菩薩及諸聲聞一切大衆咸來集者此之三千大千世界卽時應當六種震動發是誓已大千刹土便大起踊具十八相是時長者語阿難言大德今者現爲我證若不信者問於世尊神通相貌具足如是我今未得無上菩提自在變化已能如此彌勒菩薩語阿難言我憶過去阿僧祇劫造光佛所修得少分諸佛如來所行三昧獲是定已見於東方無數諸佛各住彼刹以三昧力於無量劫方便度脫不可計衆得阿僧祇神通變化住於阿耨多羅三藐三菩提道場今王舍城婆羅門也大德阿難我於往昔蓮華上佛應正徧所以一神通化度三萬億那由他百千衆生住無上道大德阿難我於往昔最高如來應正徧所得普世定度脫六萬欲界諸天發菩提心我具如是神通相貌時阿逸多卽說偈言

正服持應器 往詣能仁尊 頭面禮佛足  
 白言行乞食 佛卽許其去 當廣利衆生  
 吾般涅槃後 汝應次作佛 名譽及功德  
 一切皆具足 我時心念言 今日行分衛  
 若初施食者 令住三菩提 時彼大長者

見我行乞食 卽便從座起 恭敬意無量  
 善來阿逸多 希現乃如此 今來一何晚  
 唯願前坐食 大士法難思 當設微妙膳  
 長者汝若能 爲利諸人天 發無上菩提  
 我當受汝食 卽時若能爾 我當立誓願  
 阿逸汝卽時 能以所施食 奉獻恒沙佛  
 悉令周徧者 然後我當發 無上菩提心  
 長者若定能 作此真實誓 施於恒沙佛  
 願得大果報 我今保此誓 建立必不虛  
 持鉢受食已 普供人中尊 修行菩提道

利益諸衆生 阿難是長者 見我神通事  
 心驚大歡喜 歎仰未曾有 其心卽安住  
 無上堅固願 復施珍果膳 嚴飾妙香華  
 素氈及名寶 種種衆妙供 共我詣如來  
 深發菩提願 長者發願已 更作廣大願  
 其願無限量 不可得思議 衆生若聞者  
 此剎成佛道 造光如來處 得此微妙定  
 諸佛之所說 施不思議樂 造光世尊所  
 獲得此三昧 爾時我悉覩 十方諸如來  
 若得大威力 乃能見是事 安住此三昧

佛說法華經卷第十三

四

四

示現諸神通 百阿僧祇劫 修習種種行

利益諸衆生 未曾有休息 蓮華上佛所

得是三昧已 我以種種化 七十千衆生

皆悉令得修 無上菩提道 最高如來所

專修諸梵行 得微妙三昧 施不思議樂

最高善逝處 又得普世定 爾時復安住

月出三摩提 迦葉如來所 得是淡三昧

大德我如此 示現神變時 攝取於往昔

百千世神通 若住此威勢 能作種種化

我亦見諸佛 現作如此行 若有欲樂見

諸佛世之師 復有欲願聞 法輪深妙音

亦樂拔世間 一切生死苦 當勤受持此

### 清淨三昧王

爾時諸天世人魔梵 一切闇浮及阿修羅聞阿逸多  
師子吼已生希仰心歎未曾有

### 讚佛音聲辯才品第五

爾時不空見菩薩摩訶薩卽從三昧庠序而起時諸  
人天龍神魔梵沙門婆羅門阿脩羅等一切世間皆  
悉讚言異哉至法時不空見告阿難言妙哉諸佛實  
爲希有世尊大悲無不具足故名如來應正徧知獲

得無上菩提之道知一切法無生無行無得無失波  
羅奈國仙人鹿苑三轉十二行無上法輪沙門婆羅  
門諸天魔梵一切世間無能轉者所謂是苦是苦集  
是苦滅是苦滅道八聖道分無數章句無量諸相無  
限行處如此義味讀誦解說分別敷析無不具足時  
不空見復告阿難善哉諸佛大悲滿足故名如來應  
正徧知得是無上菩提之道今此大會諸聲聞衆未  
曾聞法當令聞之先所未說今當爲說不思議法當  
思議說所未得法今當使得未學之法令得修習無  
相之法作有相說略說少法啓悟弘多今告此衆諸  
阿羅漢畢竟作證無著真人永得解脫無始生死阿  
難當知譬如有人以一把毬投恒河中謂能以此斷  
彼駛流此八所作爲難不耶何難答言如是甚難時  
不空見語阿難言諸佛如來應正徧知得無上道爲  
諸聲聞說未聞法倍難於彼復次阿難譬如有人生  
無口舌聲震恒沙一切世界此爲難不阿難答曰如  
是甚難不空見言諸佛如來應正徧知得無上道爲  
諸聲聞不思議法作思議說尤難於彼復次阿難譬  
如有人指虛空中示種種色爲難不耶阿難答曰如  
是實難不空見言諸佛如來應正徧知得無上道令

諸聲聞所未得法今當令得彌難於彼復次阿難譬  
如有人無有手足及兜術力擔須彌山或欲履水或  
持浮木度於大海此爲難不阿難答曰如是甚難不  
空見言諸佛如來應正徧知得無上道爲諸聲聞以  
無相法作有相說以未學法作有學說又難於彼時  
不空見卽說偈言

諸佛不思議 淡行大慈悲 常施法光明  
相繼恒不絕 無數那由他 億劫甚難見  
無比最勝尊 未聞當令聞 有爲緣起轉  
無實恒爲僞 畢竟常無生 一切法空故

諸佛所說法 不可得思議 佛說所未說  
如此難見法 利益諸人天 普及於一切

諸如來深解 不可思議法 能爲聲聞衆  
說有思議法 佛說無相法 能作有相說

外道癡所迷 不識生死源 如來旣知已  
皆悉令摧伏 住十力敷演 未得法令得

世尊真實說 利樂諸人天 欲以一把麺  
斷截恒河水 長老此雖難 未足稱爲難  
世依說無生 斯難過於彼 若人無口舌  
聲震徧諸刹 雖復能如此 不足以爲難

0 1 2 3 4 5 6 7 8 9 2 0 1 2 3 4 5 6 7 8 9 2 2

未學得令學 是則最甚難 若人指空中  
言有種種色 誠能爲此事 岂足稱甚難  
未得法令得 我說最爲難 若人無手足  
擔負須彌山 欲度於大海 未足以爲難  
無相說有相 此則倍難彼

時不空見復告阿難諸佛世尊希有殊特於阿僧祇  
無量諸法決定究竟到於彼岸故名如來應正徧知  
戒定慧解脫知見等衆一切法相無取著行建勝寶  
幢出一大音若有衆生樂聞施慧得解脫者卽生念  
言如來爲我說施利益若有衆生樂聞禁戒得解脫  
者卽生念言如來爲我說戒饒益若有衆生樂聞三  
昧得解脫者卽生念言如來爲我說於三昧若有衆  
生樂聞智慧得解脫者卽生念言如來今者爲我說  
智若有衆生樂聞解脫得濟度者卽生念言如來今  
日爲說解脫若有衆生樂聞解脫知見之者卽生念  
言如來爲我說於知見若有衆生樂於生天得解脫  
者卽生念言如來爲我說於生天若有衆生樂聞無  
常得解脫者卽生念言如來爲我說於無常若有衆  
生樂聞說苦而得解脫卽生念言如來今者爲我說  
苦若有衆生樂聞無我得解脫者卽生念言如來今

0 1 2 3 4 5 6 7 8 9 21

0 1 2 3 4 5 6 7 8 9 21

者爲說無我若有衆生樂聞寂滅得解脫者卽生念  
言如來爲我說寂滅法若有衆生樂聞不淨得解脫  
者卽生念言如來爲我說不淨法若諸衆生聞無上  
道得解脫者卽生念言如來今者爲我讚歎諸佛功  
德說大乘法無一衆生聞如來說如此法已不解脫  
者時不空見卽說偈言

世間調御師 於衆中演說 戒定智解脫  
解脫知見等 如是一切法 宣說皆作佛  
樂聞說施戒 而得解脫者 各聞世間依  
歎施戒功德 樂聞說定智 解脫功德者  
卽聞佛世尊 演不思議音 樂生天解脫  
牟尼卽爲演 樂聞智慧者 天中天今說  
樂聞無常苦 無我不淨說 寂滅等諸音  
而得解脫者 卽時便得聞 不可思議聲  
若有欲樂聞 辟支佛功德 善逝今便爲  
說斯緣覺乘 聞佛諸功德 如此解脫乘  
世尊說法已 衆生求菩提 如此一切音  
不可得思議 佛所宣諸法 利益於世間  
旣蒙解種種 清淨之妙聲 卽時悉皆發  
無上菩提心

時不空見復告阿難諸佛世尊殊特希有成滿一切無數善根故名如來應正徧知親近供養無量諸佛布施調伏一心寂定今得無上菩提之道具足成就無數辯才釋迦如來得無量辯最無上辯無能答辯無取著辯勝解脫辯無量辯成就性辯成教化辯施無熱辯有無間辯豫知之辯若有相辯若無相辯靜默然辯能除恚辯種種章句及名字辯甚深句字及宣示辯宣示甚深調柔之辯無量譬辯無間答辯具足定辯具廣大辯具難思議辯具開敷辯具清淨辯具無毀辯具足聰慧無毀損辯具心無著辯具心無憚辯具足無失字句之辯具無盜辯具無妄辯具足開發說法意辯具足說法開發煩惱生淨心辯具足親近說章句辯具說過去辯具說未來辯具說現在辯具說希有辯具足無生勝妙智辯具足一切大衆喜辯時不空見卽說偈言

昔已曾至心 供養無量佛 是以人中尊  
 今得無上道 不思議善根 阿僧祇諸辯  
 無礙開發辯 佛得此衆辯 無上解脫辯  
 成就教化辯 廣宣諸相辯 有問無間辯  
 種種說甚深 隨順譬類辯 清淨難思音

101

210

210

210

具足妙說辯 淳淨義成就 決定衆相辯  
 不思及不退 無卑無下辯 善哉明慧人  
 無著無毀辯 不失字章句 無妄攝樂辯  
 能斷煩惱心 不忘十力辯 最上及親近  
 宣說三世辯 若聖與不聖 如此隨順辯  
 無遠無生等 近聽遠聞辯 說善逝功德  
 音聲清暢辯 若人以一毛 點取大海水  
 可知其數量 能令乾竭盡 無有知諸佛  
 如來大勝辯 或有量虛空 能知其邊際  
 稱彼須彌山 亦可識斤兩 如來智辯力  
 無能摧伏者 雖復歷劫數 不測如斯辯

時不空見復告阿難長老當知諸佛世尊大梵音聲  
 師子音聲雄猛之聲龍王音聲絃聲歌聲柔軟好聲  
 大小雷聲不思議聲無量妙聲無邊勝聲滿足音聲  
 不退之聲迦陵頻伽聲清淨歡喜聲如來分別聲如  
 來識了聲如來甚深聲如來無毀聲如來不却聲如  
 來清徹聲無衰無損聲如來美妙聲如來最美聲如  
 來無不美聲如來廣具足一切功德聲是處說如來  
 應正偏知以一音聲令一世界其中衆生皆悉樂聞  
 又以一音令二世界其中衆生亦願樂聞如來一音

乃至百千萬億那中他無邊世界其中衆生樂聞亦  
然彼處衆生聞如來聲如是解了如是識知皆言如  
來爲我說法如是阿難諸佛如來不思議音利益之  
聲譬如日輪照闇浮提有目衆生皆蒙惠利如是如  
來應正徧知音聲法輪清淨微妙濟拔一切亦復如  
是長老阿難譬如初春十五日夜月輪圓滿清明澄  
照無諸瑕翳闇浮提人皆出遊觀得恣歡娛緣月盛  
故如是如來應正徧知音聲法輪清淨微妙衆生所  
以得利益者緣遇如來法光明故長老阿難譬如衆  
川江河溪壑巨細諸水悉入大海皆成一味而此一  
味具足衆味亦有無量諸妙珍寶人及非人雖貪此  
寶大海深廣難可得度如是如來應正徧知清淨音  
聲法輪難解令諸衆生得法寶利無量安樂亦復如  
是長老阿難譬如大地開發種子生長萬物利益衆  
生無不豐溢聚落城邑帝王京畿一切境界皆依此  
地如是如來應正徧知音聲法輪清淨微妙賑救一  
切無量衆生悉令歡喜亦復如是長老阿難譬如虛  
空世間去來無所妨礙而此虛空能安樂物如是如  
來應正徧知音聲法輪清淨微妙饒益一切亦復如  
是長老阿難譬如三十三天上波利質多拘毗羅樹

華葉芬敷諸天遊觀莫不歡適如是如來音聲法輪  
清淨敷演一切法聲甘露利樂亦復如是時不空見  
卽說偈言

世尊梵王音 閻浮提第一 師子雄猛聲  
及以大龍聲 紘竹調軟音 十方不思議  
鐘鼓雷吼等 無邊普震聲 佛土滿足聲  
未曾衰減聲 迦陵頻伽聲 愛順歡喜聲  
聖喜無濁聲 義與無殺聲 甚深無爲聲  
無譏毀謗聲 難見善分別 句字之音聲  
無諸衰損聲 美妙普偏聲 無有繫縛聲  
及無遺忘聲 一切功德聲 世間依所說  
能以一音聲 徧滿一世界 調伏羣萌類  
歡喜悉樂聞 皆云今如來 獨爲我說法  
如來以一音 乃至恒河沙 無量世界中  
衆生皆樂聞 譬如出暉明 照耀一切物  
世尊如是音 爲衆演法光 初春十五夜  
滿月光澄淨 如此明月輪 徧照閻浮人  
皆令得歡樂 利益亦無邊 世依猶斯月  
觀者無不欣 清淨妙音聲 能爲利一切  
閻浮提最上 不可得思議 如大海無邊

衆寶之所出 深廣難可濟 饒益一切衆  
 大勝佛如是 最上無過者 有教無教等  
 音聲甚難解 清淨無所毀 能施一切樂  
 若此三千刹 安置一切衆 佛音聲如是  
 利物難思議 虛空無罣礙 能通諸飛行  
 世尊音如是 廣潤一切衆 如天香華樹  
 敷榮善利益 如來諸音聲 具足益世間  
 我於一劫中 說佛聲功德 雖復歷百劫  
 不測其始終 諸佛亦如是 不可思議音  
 十方諸衆生 異口無邊辯 說佛聲功德  
 不能盡其際 世間依如是 不可思議音  
 若使諸水陸 一切衆生等 假令悉得佛  
 不測聲涯底 諸善逝如是 不可思議音  
 如此調御師 音聲無與匹 若能隨順念  
 終不墮惡趣 若有諸菩薩 聞佛具足音  
 當得佛法王 不思議音聲

時四天王釋提桓因焰摩天子兜率天子自在天子  
 及大自在并與其子名曰商主大梵天王淨居諸天  
 徒有大力威德諸天欲色二界諸天子等聞不空見  
 菩薩所說佛聲功德歎未曾有以天栴檀細末之香

散不空見菩薩摩訶薩乃至十方供養已畢時有六十億百千那由他欲色諸天聞此音聲皆種無上菩提善根五千比丘亦發無上菩提之心被弘誓鎧七百千萬諸比丘尼發無上心及弘誓願百千億優婆塞從華座起詣不空見大菩薩所復有二億百千那由他諸女人等各脫身上珠寶瓔珞奉不空見菩薩摩訶薩亦發無上菩提大願

### 讚如來功德品第六

爾時不空見菩薩摩訶薩告阿難言奇哉希有諸佛如來具足深知生死往來憶識生處親戚眷屬善知煩惱諸惡過患具足相好具足行捨大捨意念戒定智慧解脫解脫知見具足六通到於彼岸若慈大慈若悲大悲若喜大喜若捨大捨最勝無倫到於彼岸威儀神通一切諸法最勝無礙到於彼岸若處非處示導諸方利益最勝到於彼岸及舍摩他毗婆舍那最勝無比到於彼岸一切禪定解脫三昧三摩跋提最勝無上亦到彼岸無貪無瞋無癡無慢無惛無過無有慢慢無惑無恚度脫五道四毗舍羅衆生善根業報論議最勝無等到於彼岸一切衆生戒聚不斷不漏不濁無襍無言慧明清淨勇猛殊勝沙門婆羅

門人天魔梵一切世間之大法主無一衆生能測知  
來戒定之分如毛髮許更無有人能超過者長老當  
知應如是觀我能夠究盡虛空邊際不能度量諸佛世  
尊戒定智慧解脫解脫知見所以者何以無邊故如  
來戒定神通諸法非是淺識之所思議深不可測無  
能窮者時不空見卽說偈言

世尊生死盡 住胎難思議 法性以爲母  
不可得爲比 具足善功德 世間無能及  
身相三十二 八十種妙好 世間叵思議  
攝取諸善業 妙哉人中尊 具足善超出

若捨及大捨 煩惱心解脫 方便諸勝業  
滿足無與等 具足戒定智 解脫知見分  
諸佛法無邊 六通到彼岸 如來具慈悲  
喜捨諸行處 能解衆生縛 拔濟種種苦  
諸佛深智聚 不可得思議 威儀無等比  
神通到彼岸 無諸煩惱行 善解於真諦  
若處及非處 利益悉具足 定解脫如此  
不可得思議 善解舍摩他 毗婆舍那等  
已到世所無 永離諸惡心 善學定解脫  
除滅愚癡患 淨戒不斷絕 不漏亦不濁

善學戒無失 勇健明哲人 無有一衆生  
而懷疑謗心 沙門婆羅門 人天及魔梵  
心信不懷疑 常善學清淨 我能知虛空  
四方廣大相 不能測勇猛 無上清淨戒  
能以一氣吹 海水令枯涸 不能測如來  
清淨法明戒 能以一氣吹 須彌令碎盡  
大小轉輪山 亦復成粉塵 不能得其量  
淨戒之涯際 雖復歷劫數 不能測如來  
時不空見菩薩心生念言善哉如來應正徧知願居  
威神降臨衆會我今欲爲諸菩薩等請問如來念佛  
三昧世尊先於大衆之中雖說其名竟不敷演便入  
靜室右脅而臥爾時世尊卽知其念佛神力故令此  
三千大千世界六種震動具十八變亦如前說放大  
光明普照此土娑婆世界日月星宿欲界諸天無邊  
恒河沙衆梵天等其明隱蔽悉不復現唯佛神光顯  
耀殊特愍衆生故卽從臥起齊整衣服往大會所時  
諸世間人天沙門婆羅門等及阿脩羅各見如來殊  
不空見遙覩佛來容色端嚴威儀庠序仰瞻相好無  
不具足見已卽告長老阿難世尊今從靜室而來必

當敷演顯發最勝第一義諦無虛妄說巧妙宣說無  
分別說善能思量不起惡業身業無毀口業無譏意  
業無失三業皆淨戒定智慧及以解脫解脫知見亦  
悉具足無上方便神通利益不思議辯殊特具足善  
知生死無能過者住胎清淨母族豪勝眾善功德最  
爲具足不可思議相好具足往昔因緣及意具足煩  
惱解脫心得具足若捨大捨超出具足五識無取離  
染具足五分法身清淨具足究竟已到六通諸法及  
法性相皆到彼岸毗婆舍那及舍摩他根力覺道到  
於彼岸慈悲喜捨不可思議深心慚愧到於彼岸已  
至諸法自在彼岸過去未來現在諸法皆悉知見不  
著不退能知一切過去身業亦知轉變到於彼岸口  
意二業亦復如是長老阿難如來世尊一念能知一  
切衆生心行善惡莫不了達時不空見告阿難言譬  
如大海深廣難度諸佛戒品淵曠亦然譬如須彌水  
不可傾如來定品難動亦然長老阿難譬如虛空清  
淨容納無有齊限諸佛三昧攝取無邊清淨智品又  
攝一切衆生淨心長老阿難譬如日光悉能臨照無  
量色像如來法光無幽不燭長老阿難譬如大火焚  
燒山野一切衆物如來法火能燒衆生無量煩惱永

0 1 2 3 4 5 6 7 8 9 20

1 2

3 4

5 6 7 8 9 20

石言書院卷三

得清淨長老阿難譬如湧泉盈流出外成於淵池能洗萬物皆令潔淨如來法水亦除衆生一切結累常得獲安長老阿難譬如醫王善療衆生種種疾患如來法藥能消衆生生死重病皆使永除長老阿難譬如時雨潤益卉木無不增長如來法雨亦潤一切枯槁衆生長老阿難如師子吼能使衆獸皆令憚伏如來法音能壞衆生計我見者永得遠離長老阿難譬如大船能濟彼岸如來法船度諸衆生四流彼岸長老阿難如優曇華希有難見如來出世亦復難遇長老阿難譬如波利質多羅樹其華敷榮馨香殊持佛大人相明發亦然長老阿難譬如父母能育諸子如來亦爾善利衆生長老阿難若人說言如來出世無邊正說是名真說若人說言如來出世說不思辯是名正說長老阿難略說如來有無邊辯無取著辯無罣礙辯勝解脫辯成就妙辯常隨順辯漸親近辯有無間辯微妙淨辯最無上辯慈大慈辯悲大悲辯喜大喜辯捨大捨辯佛出世辯又利益辯長老阿難若人說言如來出世具足利益一切衆生是名正說長老阿難若人說言衆生無安無救無歸無趣無主如來出世能作安救及歸趣主是名正說長老阿難我

0 1 2 3 4 5 6 7 8 9 20

1 2 3 4 5 6 7 8 9 20

若一劫或至百劫宣說諸佛世尊功德智慧辯才億  
不及一又於無量一切諸劫宣述如來應正偏知功  
德辯才不能窮究長老阿難譬如有人羸老攀躋往  
他人所語彼人言奇哉丈夫我雖如此能以一毛點  
取一切無量諸水內置口中悉令枯竭此人旣無神  
通咒術能爲斯事爲可信不阿難答言此爲難信不  
空見言實不能也徒空言耳如是阿難我說諸佛功  
德辯才不能窮極猶如彼人無竭水理長老阿難假  
使我於億百千那由他劫不能宣說諸佛功德智慧  
辯才一毛之分唯佛與佛乃能盡耳長老阿難如此  
天地容受衆生乃至有足及以無足四足多足有色  
無色有想無想非有想非無想若此世界若他世界  
若干世界百千世界無量無邊一切世界其中衆生  
當得成佛是諸世尊於億百千那由他劫說佛功德  
不能窮盡一毛之分如是功德無不具足時不空見  
而說偈言

長老阿難陁 法王從彼來 一切諸世間

無不興供養 勝焰光明主 功德皆無毀  
最勝利益說 真說不生說 諦說無妄說  
無異及善說 出微妙音聲 大智善宣說

0 1 2 3 4 5 6 7 8 9 20

1 2 3 4 5 6 7 8 9 20

身口意清淨 不緣慮諸惡 如來勝戒定  
第一智解脫 解脫知見等 威儀常難思  
無上神通智 利益最無比 善得無垢行  
最勝微妙辯 無上人中尊 具足知生死  
住胎既無比 母族亦復然 不思議殊相  
八十種妙好 容色甚挺特 端正無有比  
具足無惑心 捨大捨亦爾 超出一切欲  
五識無不具 證智超六通 具足四無礙  
備無量知見 離思衆神變 舍摩毗婆那  
皆悉度彼岸 達捨離垢主 威儀恒自在  
衆中大神主 徐行從彼來 無著修伽陀  
住於十力智 行慈演法光 一切勝智說  
能知大海水 無邊深廣量 不測無上方  
淨戒之涯畔 雖歷億千劫 不知其限齊  
以手接須彌 上擲至梵天 不能動如來  
最初甚深定 遊騰虛空中 可知其邊際  
無有能測度 如來不毀智 能以足履虛  
窮極其限量 不能測離垢 棗累人中尊  
如日能除暗 悉見善惡色 自然世間師  
能滅愚癡暝 譬如月盛滿 一切皆欣樂

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

法月光明王 觀者皆歡喜 如夜然明燈  
有眼無不見 調伏無比燈 能演法光明  
世師法燈炬 善滅一切陰 宣說自然法  
普聞於衆生 大智勝醫王 猶如涌流泉  
法藥消衆病 能施一切樂 譬如大龍王  
普降於甘雨 能令此大地 一切皆沾洽  
大悲哀世尊 法雨亦如此 譬如師子吼  
蠕動皆怖畏 如來震法音 降伏諸外道  
譬如大牢船 能運載一切 佛度多億衆  
濟彼四流岸 譬如優曇華 奇哉稱希有  
人中尊難遇 乃復過於此 一切諸世間  
常所歸依處 如天喜見城 波利質多華  
芬敷垂光彩 諸天所遊樂 世依踰於彼  
相好甚微妙 世尊已爲我 示現諸神變  
我今少宣說 諸佛之功德 以我所修業  
以施利衆生

佛說菩薩念佛三昧經卷第三

音釋

跋  
與力切  
麥  
渠希切  
幾  
內地  
千里  
日畿  
脈  
之刀切  
卉  
虎畏  
切  
名  
枯槁  
槁苦  
浩切  
之涉  
切  
羸  
倫爲切  
羸也  
攀  
攀  
間  
員  
切

羸  
羸也  
攀  
間

攀  
攀  
間

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

子拘繩也。必亦  
切足不能行也。  
皆無慳義。

奉佛弟子鎮滄施賛刻此  
佛說菩薩念佛三昧經第三卷

嘉興沙彌道惟

江浦賈國政書

上元戴仕

嘉慶刻

萬曆辛卯冬清涼山妙德庵識

此或言施戒法世間

蠕蟲動貌四毗舍羅

如來神力證正說品第七

佛說菩薩念佛三昧經卷第四

劉宋天竺沙門功德直共玄暢譯

如來神力證正說品第七

爾時世尊以金色手摩不空見菩薩頂上出廣長舌而告之言善哉善哉汝不空見善說如來應正徧知眞實功德信如所言又不空見若人說言無安無救無歸無趣無主衆生如來出世能爲如是諸衆生等作安作救歸趣王者是名正說又不空見若人說言如來出世說不思辯及無邊辯是名正說又不空見若人說言一切衆生深著貪欲瞋恚邪見如來出世

悉能除斷貪欲等病是名正說又不空見若人說言  
一切衆生嫉妬纏垢之所染著如來出世悉令除斷  
是名正說又不空見若人說言一切衆生無慚無愧  
如來出世能使衆生慚愧具足是名正說又不空見  
若人說言一切衆生淡著慳慢如來出世悉能除斷  
令無慳慢是名正說又不空見若人說言一切衆生  
無慈無悲無喜無捨不善惡念如來出世悉令具足  
四無量心利益善念是名正說又不空見若人說言  
一切衆生無諸善根如來出世教化一切令種善業  
是名正說又不空見若人說言五濁惡世衆生病增  
如來出世能作安樂此人所言卽是我說所以者何  
我出惡世說法利益諸衆生故爾時如來摩不空見  
菩薩頂時於一念頃此界衆生承佛神力悉見東方  
清淨刹土無量無邊阿僧祇佛及聞諸佛說法音聲  
如是南方乃至十方如觀掌中菴摩勒果一切衆生  
悉皆見彼清淨佛刹又一念頃如來世尊應正徧知  
以金色手摩不空見菩薩頂已以佛威神示現往昔  
最勝願力卽見上方清淨佛刹無量無邊阿僧祇數  
已滅度佛又復受持三昧力故得見未來一切諸佛  
時不空見觀諸佛已卽從座起齊整衣服右膝著地

合掌恭敬白佛世尊而說偈言

三千大千水

人或知其限

善調御世尊

戒品不可量

假使曠劫思

不能測其岸

如有勇健士

一吹震須彌

佛入初禪定

千劫不能動

足履虛空遊

能知其邊量

縱使窮劫中

不能度佛智

虛空無形量

狂風亦能動

世尊無煩惱

莫能斷其辯

如日照虛空

其光甚明徹

大仙尊暉相

映蔽於一切

猶月星中最

圓光甚可樂

如是法月王

一切皆歸仰

譬如優曇華

世間所希有

調御天中天

難值過於此

今者大聖尊

哀矜摩我頂

金色百福嚴

憐愍利一切

深解真實諦

功德悉具足

世依善宣說

言論人中上

敷演難思音

普聞十方界

自然尊慈念

以手摩我頂

得見恒河沙

最勝世間主

人中大牟尼

一念摩我頂

悉覩恒沙佛

猶如阿彌陀

天中尊利益

一念摩我頂

得見不動界

阿閦兩足尊

大悲所行處

一念摩我頂

得見滅度佛

一切世間師

大慈所行處

善調伏諸根 我乘昔願力 卽於摩頂時  
得見未來佛 彌勒世依等 卽摩我頂時  
得見過去佛 亦得覩當來 十方難思尊  
佛眼調伏尊 卽時摩我頂 復因宿妙願  
得見清淨刹 如來不思議 神通亦復然  
智定諸功德 皆不可稱量 世尊慈悲故  
哀愍見教化 如來金色手 以摩我頂上  
得見十方佛 金塔如恒沙 復見十方界  
無數諸如來 妙勝銀寶塔 莊校種種色  
百千衆妓樂 供養常不絕 我又見他刹  
諸佛衆異塔 金銀及玻瓈 各高一由延  
端嚴甚精妙 不可以言宣 見諸牟尼塔  
種種七寶嚴 住於虛空中 天華悉周布  
又見殊勝塔 高十二由延 及觀燈明佛  
淨光照諸刹 我復見處處 不思議衆塔  
又觀餘勝尊 以手摩我頂 佛以柔軟手  
一念摩我頂 見彼諸如來 安住於刹土  
或復在空中 而現種種相 復覩諸菩薩  
未脫衆惑累 在無量佛刹 修習諸苦行  
日夜常勤心 以求勝菩提 又見處處方

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

無數諸菩薩 常能爲衆生 作諸利益事  
燒身發光明 以求道因緣 復見諸菩薩  
安住於佛前 供養滅度佛 無量珍妙塔  
以求菩提利 及以大威德 見十方法緣  
燒身如燈炷 畫夜常修心 不懈於食悉  
又見諸菩薩 捨國城妻子 頭目及髓腦  
爲安樂衆生 我悉見彼此 普眼世間尊  
威力得自在 不可以言宣 如我所知者  
世間最爲上 天中天以手 哀摩我頂時  
卽得見彼衆 歸命人中尊

不空見勸請品第八

爾時不空見菩薩摩訶薩白佛言世尊如來處室宴  
寂旣久此會大衆皆悉渴仰嚴座已訖唯願世尊哀  
愍一切屈就斯座時不空見更整衣服合掌向佛白  
言世尊今欲請問願少宣說我當至心聽受奉行佛  
告不空見恣汝所問當爲決疑令爾歡喜諸天世人  
亦當證知時不空見白言世尊菩薩摩訶薩親近修  
習何等三昧得見法樂增長其心所聞三昧曠如大  
海菩提之心安若須彌外道邪風所不能動於無礙  
法心亦無著猶如虛空無所染汚破無明暗亦如朝

0 1 2 3 4 5 6 7 8 9 20

1 2 3 4 5 6 7 8 9 20

日施法光明若月盛滿燒一切陰熾然猛焰焚諸煩惱之大火聚譬如江海一切諸水水性之屬依之而活又如大船能度彼岸亦如橋梁能令衆生不墮生死煩惱駛流猶若波利質多羅樹生諸衆生七菩提華悉能普熏十方世界如優曇華世所希有亦如良醫善療諸患大悲廣救應病授藥如栴檀樹能消熱惱又如大雨潤施一切勝妙之法味若香蜜令衆無畏如師子王安樂衆生過於慈母深知法性達義趣相得義巧便法相亦然善於正道具足方便如實說法得安攝衆開發衆生生死根源一切法性如海一味三昧安靜猶如山王道心不動譬如帝幢得堅固力身相端嚴威儀具足無所染汚族姓豪勝功德備足得無邊辯無所著辯無異句辯不思議辯無邊量辯淡解脫辯成就勝辯常忍辱辯漸親近辯問無辯辯無毀壞辯無退轉辯甚淡句字種種說辯甚淡廣說章句字辯無量無邊譬喻之辯如是一切悉皆具足未得道者當令得道及得梵音意歡樂音迦陵頻伽師子等音大龍牛王鍾鼓美音歌舞絃音雷震之音得於一切世間供養具足六通到於彼岸得無忘失憶持之法獲諸善根容儀軌則時不空見以偈問

曰

金色百福嚴 漢解於真諦 憐愍善利益  
 聽我問諸佛 應修何三昧 具足淨功德  
 人中無比尊 衆智無過者 我今問世間  
 最勝無上主 爲行何三昧 功德不思議  
 云何諸菩薩 而得人中上 應當勤修習  
 最勝寂靜定 行此三昧已 爲世作利益  
 云何得自然 多聞如大海 云何獲不動  
 深妙之智慧 住佛諸功德 猶如轉輪山  
 云何心無著 如然如虛空 摧伏諸外道  
 不起於惡心 云何當修得 猶若日月等  
 又復當云何 同彼大燈炬 求習何三昧  
 光明照一切 云何得消除 衆生老病累  
 云何令一切 得度於苦海 云何得發心  
 敬禮三界尊 云何如天華 相好甚明著  
 優曇時一現 值佛難於是 云何如醫王  
 施藥滅衆病 善調伏諸根 安住於戒品  
 云何如法王 度無邊功德 云何見法滿  
 猶如淨甘露 云何師子音 施利於衆生  
 云何如慈母 施衆難思樂 云何得四辯

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

經

佛說華嚴經卷第十三

七

甲

行甚深菩提 爲我說最勝 無上第一道  
云何能得說 無著大智慧 云何義巧便  
得法不思議 善知巧便相 知世出世法  
云何能得意 云何復得道 云何得憶念  
云何安具足 云何得多聞 深廣若大海  
云何說諸佛 真實之功德 云何說衆生  
生死之源本 諸法無異相 云何得一味  
云何得三昧 不動如山王 菩提心安寂  
猶如帝釋幢 云何得諸餘 不思議菩提  
云何得端嚴 成就諸威儀 云何得豪族  
爲功德法王 云何得無邊 及得無著辯  
云何得成就 不思句字義 唯願世間依  
爲我分別說 云何得最勝 無上莫能過  
及以無著說 無失與忍辱 親近不思議  
有問無問等 梵音意樂音 迦陵善妙音  
得修菩薩行 願尊教詔我 云何得師子  
大龍牛王音 云何得鐘音 絃歌與美音  
云何獲聰慧 願世調伏說 云何得說法  
心常無狀足 無毀諸功德 常演震雷音  
云何當得宣 種種甚深法 云何衆譬喻

善說到六通 云何不失法 百千歲生念  
 勤修不懈倦 善法普眼尊 若爲十方界  
 說修不思議 於諸智不疑 歸趣求解脫  
 是以我今日 請問於如來

時不空見菩薩摩訶薩如彼神通無作行力於虛空中當世尊上自然變成天妙寶蓋七寶莊飾種種微妙於此蓋中雨衆襍華繞佛三匝住在頂上華傾恭敬向佛世尊卽於華中而說偈言

歸命於大聖 正覺兩足尊 諸天及世人  
 無能與等者

爾時此華墮佛足上復更踊起起已自然徧散三千大千世界復於蓋中雨栴檀末空中交紛墮於佛上俄爾之間忽然不現香氣苾芬充溢大千是諸衆生聞此香者身心安隱皆得快樂猶如菩薩得四禪樂時不空見現神通訖卽白佛言云何菩薩得大智慧速疾智慧猛利智慧無相智慧甚深智慧廣大智慧普遍智慧不懼智慧云何獲得無量善根心如金剛壞諸法相身心柔軟心大如海戒品難量心如磐石其心柔和正直端嚴心如山王攝衆善法心如大地能安一切得不信他不譏彼闕得善趣行安住諸法

1 2 3 4 5 6 7 8 9 20 1 2 3 4 5 6 7 8 9 20

正向不謗無上世尊生生恒得不離見佛住此世界  
 得見他方無量諸佛聞法遇僧又得攝取清淨國土  
 常得善根自利利他是以我今請問世尊我爲解脫  
 饒益衆生爲諸菩薩得不思議具足善根請問如來  
 爲被僧那忍苦大鎧悲一切故請問如來爲欲利樂  
 諸衆生故著弘誓鎧無衆生想欲度生死無生死想  
 我恒如此利益衆生是故我今請問如來世尊我於  
 諸衆生所不起壞心亦無瞋罵誹謗毀訾及輕凌心  
 初無恚恨忿戾慾恨無忘失意亦不嫉妒不懷楚毒  
 行於慈悲我如是相修學大乘爲利益故請問如來  
 世尊我今爲衆生故捨五欲樂能忍衆苦施一切樂  
 爲諸衆生作法光明世尊我於內外諸法心無憚惜  
 我如是相利衆生故請問如來世尊我今被弘誓鎧  
 爲一衆生於恒沙劫入大地獄受諸苦惱我未曾於  
 一念之頃退失無上菩提心也是故我今利衆生故  
 悉能忍受無量劇苦而不退於菩提之心爲一切故  
 請問如來我今如此被弘誓鎧爲諸衆生作其僮僕  
 爲利彼故請問如來世尊我今爲衆生故捨於頭目  
 體腦之屬悉忍斯苦不退菩提如是相貌請問如來  
 時不空見卽說偈言

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

云何習大智 廣智與疾智 我今故請問

大雄世間師 云何得甚深 微妙大智慧

最勝菩提道 唯願普智說 云何無懼智

善巧隨順說 復得金剛心 於法不生惑

云何得柔和 心無有垢染 淸淨戒如海

不宿於死屍 復得心如山 不動難思議

云何不信他 亦不譏彼闕 決定行善趣

閉塞諸惡道 安住堅固志 歡喜心不壞

云何得正念 又得於調伏 住此而得見

他方刹土佛 既得聞說法 亦得值遇僧

欲得求供養 他方刹土佛 種種妙華香

隨意以奉獻 欲求住此界 見諸無邊刹

世依示神通 向諸十方國 我自饒衆生

亦無善友勸 安住諸慙愧 自捨於己利

以利於他故 請問大勝尊 若爲求佛智

攝取不思善 為此利益故 請問於如來

無著世間依 當修何三昧 如是爲衆生

發弘誓大願 免濟於羣生 種種諸劇苦

雖復勤修行 而無衆生想 為利善趣故

請問於如來 於一切衆生 常起平等心

未曾有分別 恒修於慈悲 我爲利益故  
請問於如來 親近何等法 疾得難思定  
調御說斯定 顯示無邊德 我發弘誓願  
爲利益衆生 於不思議劫 恒受燒煮苦  
善哉令一切 長得獲安樂 永無幻惑心  
常修正直意 恒捨內外法 攝取諸衆生  
爲作利益故 請問普眼尊 不瞋不惡口  
穢謗結恨等 自自身能忍苦 爲他作僕使  
是故我請問 大威德世尊 常以歡喜心  
勤修菩薩行 捐棄無量頭 以求勝菩提  
爲益世間故 捨目及手足 衆生墮生死  
癡暝無智慧 何方救濟彼 令得永解脫  
捨所愛妻子 珍妙諸器服 金銀玻瓈珠  
無數衆寶藏 爲趣正道故 請問於如來  
惠施常無厭 聞法亦復然 住於阿蘭若  
心無有懈退 爲此利益故 請問於如來  
常求善言教 聞惡恒捨離 於諸羣生類  
初無不善念 爲是利益故 請問於如來  
慈心觀衆生 如母念一子 於讐不追惡  
更生憐愍心 爲利一切故 請問人中王

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

若獲諸福報 設復無所得 亦當爲衆生  
請問大威尊 我請自然尊 若得少福者  
以此業果報 疾得菩提定

讚三昧相品第九

爾時世尊告不空見菩薩摩訶薩言 善哉善哉不空  
見無勸汝者乃能如是爲諸衆生請問三昧欲以解  
脫利衆生故欲令衆生具不思議淨善根故欲令衆  
生獲得三界最勝利故爲令衆生超出三界一切行  
故爲令衆生於諸有爲得善義故爲令衆生深解隨  
順得饒益故爲令衆生於甚深法決定義故欲令衆  
生尊說法故欲令衆生敬重施故欲令衆生捨諸有  
故欲令衆生趣無上戒故欲令衆生具足忍故欲令  
衆生勤精進故欲令衆生得禪定故欲令衆生深重  
智慧如金剛心善修定故欲令衆生心離塵故欲令  
衆生善攝心故欲令衆生其心不動猶帝幢故欲令  
衆生重法義故欲令衆生不惜身命厭諸行故以是  
等緣請問如來爾時世尊告不空見汝今諦聽善思  
念之吾當爲汝分別演說時不空見卽白佛言唯然  
世尊願樂欲聞告不空見諸佛所說菩薩所行念佛  
三昧此三昧者諸菩薩等常應親近精勤修習既得

修習此三昧已卽便增長見法安樂增長無貪及以  
 暴瞋增長慚愧六神通等增長得見一切諸佛增長  
 無數清淨佛土得知宿命生死因緣住胎清曠母族  
 豪勝得微妙善大人相好具足出家及捨大捨得知  
 衆生其行相續具足多聞世出世法又得種種諸善  
 法處當得善學世無比法復得善巧說一切法及得  
 了知前際後際字章句相智慧備足得善轉心神通  
 變化善知過患得廣大力得知他方諸菩薩等及以  
 衆生精麤白黑長短大小處及非處未成佛道趣向  
 具足得不動念神通具足常得大姓高族具足端正  
 威勢功德具足得梵音等及以諸辯無不具足悉如  
 上說同如來生無生之生常生中國不處邊地欲求  
 偏往他方世界至諸佛所諮詢正法欲樂住此或遊  
 十方觀諸如來恭敬供養彼此菩薩功德具足爾時  
 世尊卽說偈言

不空見菩薩 有妙三昧王 我住智力故  
 淡知此三昧 菩薩應當修 得見十方佛  
 到六通彼岸 疾得菩提道 見諸淨妙土  
 攝知生死緣 住胎旣無比 母族又殊勝  
 善修諸法行 相好皆具足 出家棄諸愛

人天所滯欲 爲利世間故 求於菩提道  
生在豪姓家 永到甘露境 具得六神通  
圓足說真智 多聞持正法 獲得大自在  
多聞廣於海 如聞皆修行 具衆決定義  
及知衆生本 學習世出世 善法之所趣  
獲得聰利智 捐去無知業 棄捨有爲事  
行於無爲法 亦得天眼智 天耳聞諸法  
憶念宿世行 知他心意識 欲樂現種種  
諸妙神通事 常善轉變心 開演於明脫  
開發十力慧 廣利於世間 知處及非處  
諸法之所歸 說煩惱過患 常應修此定  
得趣向具足 得意無與等 得念及威力  
得安行亦然 姓族最殊勝 端嚴甚清顯  
棄於有爲行 無毀諸功德 得大威勢力  
人中最殊勝 猶如天帝釋 天中獨尊嚴  
欲得無比音 雄猛諸威音 成就義大仙  
當求此三昧 如龍歡喜行 普施電光耀  
復降甘潤雨 沾洽於大地 是龍所遊境  
實爲不思議 若安住最上 神通王三昧  
能作諸供養 奉獻無邊佛 猶如龍王雨

澤及於一切 欲成就善教 親近最上說  
攝取無爲樂 當修此三昧 種種深解脫  
常宣諸妙偈 欲令一切衆 咸使得安樂  
當修是三昧 不離佛菩提 及與聲聞衆  
得見他方刹 若欲得諮問 北土之世尊  
及諸他方佛 應習此三昧 若欲見他方  
不思議世界 親近彼諸佛 蒙光設供養  
往反諸刹土 得無數功德 應當修諸佛  
所說深三昧 往往從生處 恒得與佛俱

正觀品第十

爾時不空見菩薩白佛言世尊菩薩摩訶薩若欲成就諸佛所說菩薩念佛三昧者應當親近修習何法爾時世尊告不空見若諸菩薩欲得修習諸佛所說念佛三昧欲得親近諸佛如來復欲疾得阿耨多羅三藐三菩提者應當安住決定之心又應永捨不決定心捨我見心知無我心當觀此身如水聚沫觀於色陰當如芭蕉次觀受陰如水上泡復觀想陰如熱時焰又觀行陰如空中雲觀於識陰猶如幻化菩薩若欲入此三昧應當深生怖畏之想又宜具足慙愧心捨不怖畏而作怖畏捨無慙愧修慙愧心具舍

摩他毗婆舍那以方便智捨我無我應習智脫及三  
空門又當深知三受生起亦應捨離三不善根卽當  
起於三昧之聚觀諸衆生猶如我身觀四念處身受  
心法觀四食患作無食想所謂揣食觸思識等修不  
淨想及以慈悲安住於喜令捨具足起諸禪定而不  
味著亦不毀呰一切諸法此身不實猶如幻焰不樂  
長壽應當厭離善防護心習學多聞不慢於法勤護  
不謗卽得聞才及以法才旣聞法已守護是義尊重  
佛法恭敬僧寶近善知識遠離惡友不著世俗言論  
之味恒能不離阿蘭若行心常平等憐愍衆生其心  
不退不懷嫉妬稱量諸法心不染累分別一切無數  
諸法常求甚深方等經典信心堅固不生疑慮常能  
精勤讀誦此經卽是諸佛無上道也諸佛功德之所  
生處應當如是真實其心摧伏憍慢至意聽受增長  
正法離殺盜淫慚憍貢高是非之心捨存真我邪謗  
之說除穢亂語滅諸諍論心樂安住布施持戒忍辱  
精進禪定智慧諸波羅密皆悉具足能捨頭目心不  
退沒如四大性不可改易身意精勤不顧軀命於四  
供養心無貪著安住十二頭陁之行不求己利及以  
名譽捨心愛滯得四神足離四顛倒及煩惱刺度於

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

四流於四威儀修四念處令得五根修行五力捨於五結不求五欲福報之慶捨五穢心修五解脫善知五陰棄六欲處及六身受除六受身修於六念知六識分勤求六通修七覺意淡知七界所謂害界恚界出界欲界色界無色界及以滅界除斷七使及七識住捨八慚憍去八妄語知世八法得八大人覺知八解脫修八正道捨於衆生九居之處除九慢法放棄九惱親近修學喜等九法又復懃習九次第定捨十不善行於十善方便精勤求佛十力又不空見我今略說一切諸佛所說三昧應當勤修念報佛恩學三昧已卽得不退阿耨多羅三藐三菩提而是菩薩以大智力能爲衆生說此三昧其餘聲聞不能觀察宣說書寫受持讀誦若能觀察書寫受持讀誦之者此人福業亦不唐捐要當得值佛出於世若諸菩薩教化受持疾得不退菩提之道又不空見諸佛所說念佛三昧名爲要法諸大聲聞所不能行若人聞說此三昧者將來之世必當值佛爾時世尊卽說偈言若有修諸佛 所說淡三昧 觀法心相續捨不相續念 善觀於陰身 離我無我想此身不牢固 猶如水聚沫 虛誑猶幻化

亦如嬰兒語 觀色如浮雲 見受若水泡  
想如熱時焰 觀行徐無實 猶如彼芭蕉  
觀五識如幻 修慚愧恐怖 舍摩毗婆那  
應遠無慙耻 除我無我見 習知與解脫  
及以三空門 又應知三受 捨三不善根  
常學三善根 求最勝三昧 勤行戒定智  
速得甚深定 離諸邪見等 正習此三昧  
捨世衆諍論 常修出世法 觀察身念處  
受心亦復然 於法無疑惑 不久得此定  
常行禪解脫 不惜身壽命 多聞不貢高  
不誹謗諸法 聞法應受持 持已諦觀察  
常供養諸佛 法僧亦如是 若於善知識  
恒念報其恩 遠諸惡知友 不朋邪師論  
應求讚善者 常共俱遊處 不遠阿蘭若  
應求勝菩提 等心於羣生 不毀訾諸法  
不染一切法 應知真實法 捨諸非行法  
不久得此定 除一切諸惡 及見真我者  
殺害慢婬盜 毀訾惱憊等 不作諸惡口  
邪論諍訟等 次第說佛法 常求此三昧  
施戒及忍辱 精進禪智等 常精勤修習

成就此諸度 不久當得斯 功德定法行  
若捨內身分 及外財眷屬 不久得菩提  
寂靜心三昧 若人心如地 水火風空等  
皆悉當速疾 獲此妙三昧 若有諸人等  
身心甚端直 不貪著衣食 牀櫈及醫藥  
是人當疾得 如此之三昧 成就四正勤  
具足四如意 捨於四顛倒 及四煩惱刺  
求度於四流 棄捨諸愛取 修行五根力  
除斷於五結 不求五欲報 捨諸煩惱心  
應修五解脫 及五身三昧 諦知五陰法  
淡修六和敬 遠離不恭敬 除去六觸身  
觀六受相續 捨彼六受身 成就於六通  
淡修六念處 亦復勤專行 六識之法分  
修七菩提分 復行於七財 以求勝三昧  
除斷七種使 當修如此行 常修八正道  
捨彼七識住 得八大人覺 行八解脫門  
得三昧不難 得八大人覺 行八解脫門  
知世間八法 卽爲最勝智 如此常修行  
得三昧不難 自離於九惱 亦不惱他人  
修喜等九法 次當得三昧 聰慧捨十惡

0

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

卷四

佛說菩薩念佛三昧經卷四

修行十善業 又能遵十力 得三昧不難

常受持善法 捨諸不善法 畫夜常攝心

得三昧不難

住此三昧已 不思議力說

常見佛金色

亦得聞演法 若欲見十方

滅度現在佛 及以未來世 饒益衆生者

是人當修此 最上妙三昧

佛說菩薩念佛三昧經卷第四

校譌

第九紙

三行苾蒭南  
藏作繽紛

音釋

阿闍

梵語也此云無動閼初六切磐薄石切

恚

恚於過切

恨

很

怒也切

忿

忿房粉切

戾

怒也切

懥

徒對切

劇

竭戰切

胡

治

治

也

奉佛弟子鎮滄施貲刻此  
佛說菩薩念佛三昧經第四卷

嘉興沙彌道裕  
江浦賈國政書

溧水端學堯刻

胡庵識

萬曆辛卯冬清涼山妙德庵識

江浦賈國政書

溧水端學堯刻

胡庵識

佛說菩薩念佛三昧經卷第五

劉宋天竺沙門功德直共玄暢譯

正觀品第十之餘

爾時不空見菩薩摩訶薩白佛言世尊菩薩若欲成就一切諸佛所說念佛三昧云何當令其心相續佛告不空見是諸菩薩若能至心憶念過去未來現在十方一切無量如來應正徧知明行足善逝世間解無上士調御丈夫天人師佛世尊悉知衆生往來生歟住胎具足母族亦然善及相好四毗舍羅慈悲喜捨慚愧威儀等行悉亦具足及舍摩他毗婆舍

那解脫知見諸解脫門念處正勤神足根力覺道等  
法皆悉具足知諸四流及生具足亦知衆生源始具  
足生諸六通起大神足戒定智慧及以解脫解脫知  
見無不具足無礙解脫及無礙利一切善法亦皆具  
足色心清淨境智清淨金色等身清淨具足而此菩  
薩應如是念諸佛如來至心不動亦當安住無所著  
心復應如是心相續觀爲何等法是如來耶爲以卽  
色是如來耶爲當異色是如來乎若以卽色是如來  
者色處衆生具足色陰而是衆生應是如來若以異  
色是如來者除十二緣豈有如來又以卽受是如來  
耶爲當異受是如來乎若以卽受是如來者一切衆  
生具足受陰而是衆生應是如來若以異受是如來  
者除十二緣何有如來想行識等亦復如是爲卽眼  
根是如來耶爲異眼根是如來乎若卽眼根是如來  
者一切衆生應是如來若異眼根是如來者除十二  
緣何名如來耳等諸根亦復如是爲卽四大是如來  
耶爲異四大是如來乎若卽四大是如來者内外四  
大亦是如來若離四大是如來者除十二緣何有如  
來地水火風皆亦如是菩薩如是相續觀已明見色  
陰旣非如來異彼色陰亦非如來又見受陰卽非如

來若異受陰亦非如來卽想行識非如來者異想行  
識亦非如來又見眼根非卽如來見異眼根亦非如  
來耳鼻舌身非卽如來異耳鼻等亦非如來見色聲  
等非是如來異色聲等亦非如來見香味觸非是如  
來異香味觸亦非如來見意及法非是如來若異意  
法亦非如來見卽四大非是如來見異四大亦非如  
來地水火風亦復如是菩薩如是心相續觀於一切  
法得方便智又不空見汝以何法能得無上菩提道  
耶爲以身得爲以心得若以身得此身不淨無所覺  
知如草瓦礫菩提非色無有形質其相空寂不可見  
法此身旣如草木無知云何當得菩提道耶若以心  
得無上道者心無形相猶如幻化菩提無心亦無色  
貌如幻如化云何可得若諸菩薩得如此解非身能  
得無上菩提亦非心得無上菩提不離身心得無上  
道爾時佛告不空見言應當如是觀於如來作是觀  
者名爲正觀又不空見菩薩如是相續觀法心不動  
搖菩薩應當如是深解則不退於三昧法也又常離  
於不相續心必當疾得無上菩提爾時世尊卽說偈  
言

心心相續念去來今現在一切普眼尊

佛說三藏念佛三昧大教經卷五

不久當見佛 住佛大威力 慈哀利世間  
 憶念人中華 調御功德尊 當念昔生死  
 住胎母族姓 容相悉具足 不久當見佛  
 念佛八十好 及宿世因緣 恒集最勝業  
 正念善法意 念佛六神變 及大自在通  
 戒定智解脫 皆悉得成就 云何最上師  
 得此寂靜地 念慈世間尊 悲喜捨最上  
 懈愧力無畏 世間威德師 念佛舍摩他  
 毗婆舍那等 又念智解脫 及以三空門  
 具念修正勤 神足亦復然 念根力具足  
 及以菩提分 念佛離生滅 獲此寂靜處  
 念難思善法 色受皆清淨 想行及以識  
 清淨亦如是 念佛真金色 安住無著心  
 觀何法名佛 攝心恒相續 想識應當知  
 四陰亦如是 離陰非如來 想識應當知  
 念眼非如來 耳等法亦然 離眼非如來  
 五情法皆爾 念十二因緣 調心得見佛  
 念四大非佛 異此四亦非 應了十二緣  
 見佛不爲難 若使諸佛陰 而是如來者  
 衆生悉有陰 亦應卽如來 若欲得根力

當念十二緣 陰非世間師 異陰亦如是  
往昔諸因緣 相續恒分別 是以能攝取  
不思議智力 此身常無知 如草木瓦礫  
菩提無形色 寂滅恒不生 身不觸菩提  
菩提不觸身 心不觸菩提 菩提不觸心  
而能有相觸 實爲不思議 此是佛世尊  
最勝寂靜處 善能滅一切 外道諸邪見  
爾時不空見菩薩摩訶薩白佛言世尊菩薩云何得知我見云何復當得離斯見爾時世尊告不空見菩若欲捨我見者莫著住處當依無依欲以法明利益一切欲吹法螺擊大法鼓欲造法船建立法橋度諸衆生生死有流欲觀身相及不相續此身不淨穢惡充滿膿血湧噬丸孔恒流無常敗壞晦息不住危脆難信不可愛樂猶嬰兒語虛妄無知是身不實如水聚沫縱復假以衣服飲食香熏莊嚴種種寶飾於百千歲恣隨其意會當磨滅長夜無益如此身性是生死法又爲蟲獸之所食咱復於長夜或在地獄畜生餓鬼閻羅王所受無量苦未曾暫息又於永劫處生死中爲他僮僕策使萬端此身長勤受衆苦惱而初不能知苦斷集證滅修道行諸功德此身雖小受

污甚多應以是身施諸衆生若有惜命施其以壽若須力者當惠其力須肉與肉須血與血當施須者不求勿與或於彼人無所利益願以捨身善心因緣除我見惑得解無我住是捨身思惟觀時不復著於我見之惑以不堅身修於堅身又不空見譬如村邑多有童子相隨出村遊戲水邊見水聚沫是諸童子競取弄戲而此聚沫不自覺知爲他所弄亦無痛癢如是不空見若有菩薩觀自己身當如此心猶如聚沫無有分別若此菩薩作是觀者不久當得此渙三昧亦當疾得無上菩提爾時世尊卽說偈言

欲求最勝定得不思菩提  
永捨於我見工至常應觀此身不無常苦不淨  
溟墮真污等九孔流諸穢甚爲可厭患虛誑無真實此是磨滅法眩惑猶幻化亦如水聚沫我此身危脆瘡疣之窟宅周徧皆臭毒無一可樂處養之初無益卒爲蟲狼食一切諸樂具供膳於此身會歸當朽滅終不得一實長勤無邊劫苦痛恒萬端地獄畜生報根本受苦處長夜增飢渴不可得思議衆苦所逼迫爲此乖菩提

012345678920123456789

20123456789

我此身不實 應施諸衆生 解法心無惜  
所須便給之 作此思惟已 卽唱如是言  
我今捨此身 血肉隨意取 若有惜命者  
我當惠其壽 忘軀濟衆生 爲疾得三昧  
段段求水沫 未曾得堅實 我身亦如是  
求真不可得 若得此正觀 疾得菩提道  
爾時世尊卽便微笑諸佛如來法皆如是當于世尊  
微笑之時面門卽放種種色光青黃赤白紅綠波瑠  
上至梵天從彼還下繞佛三匝復至頂上斯光俄頃  
忽然不現長老阿難卽從座起更整衣服右膝著地  
合掌向佛以偈問曰

最勝調御尊 微笑非無緣 無上世間師  
願爲我宣說 爲以何因緣 而現此微笑

金色百福嚴 善解於真諦 哀矜利益者  
世間所歸趣 爲以何因緣 而現此微笑

無等人中尊 最上無過者 如來諸功德  
淨妙無瑕穢 復以何因緣 而現此微笑

住聖大悲尊 一切所歸者 已離諸煩惱  
以淨調御音 唯願爲我說 微笑之因緣

今日誰應得 若此深廣義 誰住堅固地

0 1 2 3 4 5 6 7 8 9 20

0 1 2 3 4 5 6 7 8 9 20

0 1 2 3 4 5 6 7 8 9 20

誰應遇吉祥 世間所歸尊 何故現微笑

一切所歸趣

謂御爲我說

願聞清淨人

微笑之因緣

若蒙聖開演

疑惑則永除

爾時世尊告阿難言我向說此相續觀時三萬人得法眼淨八萬百千億那由他天亦悉離垢法眼清淨復有三萬億那由他比丘比丘尼證阿那含復有三萬比丘比丘尼及清信士女得無生忍三萬衆生發菩提心卽皆修習菩薩之行於人尊劫悉當成佛此是初發無上道心復有九萬億那由他諸衆生等悉皆不退菩提之道當得作佛號曰放光及離垢尊釋迦牟尼日光相佛月光明佛天中尊佛九十二億那由他衆發聲聞心當成羅漢爾時世尊作是語時震三千大千世界佛以天眼見於十方九十九億千那由他諸佛國土其中衆生皆見如來放眉間光名曰明焰徧照十方衆生見已心驚毛豎時彼刹土無量百千億那由他諸衆生等遇斯光者其中有得須陀洹果斯陀含果阿那含果阿羅漢果有多衆生發菩提心皆不退轉無上菩提於未來世當得作佛皆同一號號不退轉爾時世尊欲令此義光宣明顯重說偈言

我向宣說此心相續觀時卽有六十千  
 九十九億衆以聞法利故而發菩提心  
 復有三萬人皆得聖慧眼已聞相續念  
 寂定之菩提此等悉得免惡道之苦難  
 八萬億諸天旣聞如來音獲得淨法眼  
 永離惡趣苦三萬億四衆得起法忍  
 度脫諸惡道無復苦惱患當得成佛道  
 如春之敷榮三萬億諸人學於菩提道  
 是人亦當得諸佛大威力旣成無上道  
 懈怠於世間猶如彌勒等無礙世間依  
 樂中之樂行以笑廣利益阿難汝當知  
 皆有因緣故是以我今日示發此微笑

### 微密王品第十一

爾時不空見菩薩摩訶薩白佛言世尊菩薩摩訶薩云何當知安住慚愧恐畏等法捨無慚愧得此三昧爾時世尊告不空見此諸菩薩所以慚愧身作諸惡而懷羞怖口意行惡復生恥辱嫉妒嬾惰亦復如是若起不善恭敬諸佛畏懼諸天及以世人惡不善法可羞恥故菩薩如是則住慚畏捨無慚畏諸不善法

勸修衆善護清淨行默然閑寂三業具足不久亦當  
 得此三昧生生恒得值遇諸佛當疾得於阿耨多羅  
 三藐三菩提又不空見奇哉希有我念過去經阿僧  
 祢億百千萬那由他劫初第三劫名爲善生次復有  
 劫名曰寶炬次復有劫名蓮華池時濁劫起餘一千  
 年次復有劫名曰樂住時有國王生此劫中名勝微  
 密有大威德勢力自在王所住城名拘修摩清淨香  
 聚其城縱廣七十由延有十二重七寶莊校嚴麗光  
 明如善建城城北有地名爲離垢此處有苑苑名安  
 隱縱廣正等面十由延周匝皆有諸多羅樹其苑法  
 式猶善建園又不空見爾時有佛號曰明相如來應  
 正徧知明行足善逝世間解無上士調御丈夫天人  
 師佛世尊出現於世佛告不空見時明相佛與其眷  
 屬住安隱園所從比丘九十九億百千那由他皆阿  
 羅漢諸漏已盡無復煩惱心得自在所作已辦所應  
 學者皆悉已學明相如來應正徧知於其晨朝著衣  
 持鉢翼從比丘入城乞食微密王聞佛當來卽乘大  
 象象名樂手前後導從無數百千皆共出城奉迎世  
 尊又不空見是微密王遙見佛來光色相好微妙殊  
 特皆大歡喜即便下象趣如來所頭面禮足右繞三

而卽於道路請佛及僧時明相佛默然許之王既知  
佛已受其請卽於其夜掃灑燒香嚴辦種種珍妙供  
具復於城內偏豎幢旛懸諸華鬘瓔珞寶蓋牛頭香  
汁以灑塵坌散種種華嚴飾於地以篋盛華置於座  
前作衆妙妓以用供養又不空見王辦供已於晨朝  
時與諸營從詣安隱園頂禮如來白言世尊食時已  
至時明相佛聞王請已卽如其相天神通與諸比  
丘俱昇虛空放淨光明九萬百千照於東方三方亦  
然一一光中有八十億那由他等諸妓蓮華一一華  
上有化如來相好具足如明相佛是諸如來眷屬無  
量左侍帝釋右侍梵王猶如真實釋梵無異又不空  
見明相如來現此種種神變相時一念之頃欲色諸  
天卽作無量衆妙妓樂以天栴檀多摩羅跋沉水華  
鬘如是諸香以用供養明相如來時彼世尊爲王說  
法大王當知諸行無常有爲皆苦不實故空一切諸  
法悉無有我所以者何此身不淨九孔流穢猶糞中  
蟲破壞危脆念念不住四大諸陰假以爲身飢渴寒  
熱恒來侵迫虛誑幻焰猶水聚沫不得自在磨滅之  
法強名爲人無一可恃是故大王當深觀察生死諸  
行甚可厭患當勤方便求速遠離時微密王聞是語

0 1 2 3 4 5 6 7 8 9 20

1 2 3 4 5 6 7 8 9 20

已合掌向佛而作是言如是世尊誠如聖教有爲諸行無常苦空一切諸法皆悉無我現見此身不淨臭穢衆苦之聚甚可厭患時王見佛神通相貌及聞如來所說之法卽發阿耨多羅三藐三菩提心又不空見時彼如來知王已發菩提之心與諸大衆俱受王請乘虛而往至誠便下是王從佛步入宮門嚴座已訖次第而坐王與羣臣宮內眷屬及國人民侍立左右擎諸供膳前受覲願各各授食皆令克足飯食已訖漱口澡手復以種種華香妓樂名衣上寶而以供養時微密王卽於是日捨四天下及八十四億那由他妃后子女以國王位付其長子與八十億那由他人俱共往詣明相如來於彼佛所出家修道王出家已將欲請法白言世尊云何菩薩得諸佛所說念佛三昧若人能得此三昧者當疾成於阿耨多羅三藐三菩提具足見法時明相佛告微密比丘菩薩應當信於如來所說經典此大方等諸佛行處菩薩具足此二法者得此三昧當疾成佛復有二法何謂爲二金摩他毗婆舍那復具二法捨我無我安住慙愧恐畏等法菩薩若能具是二法得此三昧疾成正覺

告不空見是微密比丘白明相佛云何菩薩安住慚愧恐畏之法得此三昧明相如來告比丘言菩薩應當捨三惡業無慚愧等諸不善法住於慚愧恐畏之法而是菩薩慚畏具足捨諸不善修行善法應護清淨身口意業又不空見是時比丘於彼佛所聞說過患卽捨無慚愧恐畏諸惡精勤攝心住諸善法不失善法欲令滿足復更攝心安住正觀觀一切法不增不減亦不見法去來生滅微密比丘作是觀時不見諸法有種種相觀十二緣如夢如焰觀於諸法如影幻化觀於諸法無增無減觀於諸法無名無性觀一切法無滅無生微密菩薩如是修行不久當得此三昧也獲三昧已辯才不斷過六萬億那由他劫當得阿耨多羅三藐三菩提佛告不空見汝莫生疑爾時捨國出家學道微密王者豈異人乎蓮華上佛如來是也微密菩薩安住慚愧修習成就一切善法不久便得如此三昧又不空見我今語汝諸佛所說念佛三昧若有衆生不種善根終不得聞如此三昧告不空見若善男子善女人等曾於過去無量佛所親近供養植衆善本方得聞此三昧寶王何況書寫讀誦受持分別解說觀其義趣是善男子善女人等所種

善根無量無邊不可稱計是諸人等修菩薩乘方得少聞如是三昧次第當得阿耨多羅三藐三菩提唯除身證時不空見白言世尊是諸衆生不學大乘爲能得此三昧寶不佛言如是亦當能得又不空見譬如有藥其質堅硬不可斫削以石磨取用之塗鼓若有怨敵臨陣戰時彼軍亦以毒塗其箭聞鼓音聲毒不能行如是不空見若善男子善女人等少得遇聞三昧光聲是人皆當得於無上菩提之道唯除身證又不空見譬如衆生若依須彌金色之邊其身卽與彼山同色所以然者山勢力故如是不空見若有善男子善女人等少聞三昧威光之力當得阿耨多羅三藐三菩提唯除身證所以者何而此三昧功德最勝不思議故又不空見譬如諸水悉入大海同其一味所以然者以海力故若善男子善女人等不能讀誦持說書寫但得暫聞此三昧寶一切皆當得無上道所以者何三昧力故又不空見若人正說諸佛法門得三昧母說此三昧是名正說若人正說如是三昧無量無邊功德之聚攝取長養是名正說又不空見菩薩摩訶薩修行布施於一念頃以衆妙寶奉獻恒沙諸佛世尊以此功德當得成佛若人讀誦受持

解說書此三昧功德勝彼布施之福不可稱計爾時

世尊卽說此偈

我念往昔生

調御明相佛

一切諸世間

咸其所歸趣

慈悲哀衆生

爲說衆妙法

是佛大知見

明了三世法

如此普眼尊

世間最爲上

如來不思議

無量深智力

開顯諸法門

爲利羣生故

發起大悲心

拔濟無量苦

明相善逝尊

八億聲聞衆

皆是阿羅漢

諸漏悉已盡

是諸應真等

隨從法王遊

時有安隱園

在城東北隅

大仙經行處

恒與聖衆俱

時有轉輪王

微密勇健士

憐愍一切故

導從出彼城

是王遙觀佛

其心甚寂泊

相好殊世表

威儀亦無比

王卽步奉迎

往到世依所

既至如來前

頭頂接足禮

合掌恭敬已

却住於一面

請佛受明供

世尊默然許

王知佛垂許

還勅諸官屬

灑掃宮城內

嚴辦諸餚膳

王復到佛所

白言食時至

世尊若矜愍

願時屈威神

與諸聖衆俱

至當奉微供

時佛聞王請

卽現大神變

012345678920

12345678920

普放千億光  
徧滿十方刹  
一一光明中  
化作億蓮華  
大悲愍衆生  
爲衆現斯瑞  
又告不空見  
彼諸蓮華中  
有大威德王  
相好特端嚴  
各以最勝意  
諸行皆無常  
苦空亦如是  
此爲磨滅法  
何有聰慧人  
諸行猶幻焰  
破壞流動法  
演說如是法  
諸天見世尊  
作衆上妙妓  
廣設香華供  
善哉佛威力  
不可得稱說  
王觀神化已  
捐去四天下  
及以五欲樂  
以修菩提道  
是王學道時  
安住何等法  
得佛力三昧  
如是應當修  
得此深妙定  
聞佛說法已  
踊躍克徧身  
當得此三昧  
微密比丘者  
若人信如來  
不詐謗此經  
疾得此三昧  
若人畏生死  
常修舍摩他  
及毗婆舍那  
疾得此三昧  
安住慙恐畏  
常修於正捨

利智勤苦行 速得此寂定 觀法無增減  
 一切如虛空 是聰慧菩薩 疾得此三昧  
 不見諸法起 亦不見其盡 恒觀法無常  
 亦如夢幻等 常能勤習行 不久得此定  
 不見法異相 唯覩無生滅 又如影響焰  
 當得此三昧 觀諸法平等 無有差別相  
 內既無身想 觀外亦復然 不見其名字  
 亦無有生滅 若能如是觀 疾得此三昧  
 時微密比丘 如是諦觀已 初中及後夜  
 其心常相續 既聞如來說 不久得此定  
 卽於一念頃 而證此三昧 得不斷菩提  
 卽見十方佛 具諸有爲行 其心漸清淨  
 比丘在生死 滿十六千劫 曾供無量億  
 諸佛之世尊 然後獲寂定 得於無上道  
 佛告不空見 莫生疑不信 汝是聰哲人  
 勿懷於異見 爾時比丘者 蓮華上佛是  
 我今語於汝 諸天及世人 若欲觀一切  
 無量諸法者 是人應當修 如是妙三昧  
 若有人樂欲 生無量功德 施衆難思樂  
 當持此三昧 若人樂欲見 十方三世佛

復樂轉法輪 當持此三昧 若有人樂欲  
 具足諸相好 深知生死緣 亦備衆善本  
 是以當勤持 如此勝三昧 若有人樂欲  
 遠離諸惡趣 爲利衆生故 當持此三昧  
 如是善人等 昔已曾供養 非一二與十  
 無量億諸佛 求最上菩提 得持此三昧  
 若人樂欲求 正念聞三昧 已曾多供養  
 過去無量佛 是人久勤修 過去所行道  
 若人於彼處 聞說勝三昧 卽發歡喜心  
 踊躍意無量 昔已曾供養 多億天中天  
 若人於此經 常修相續心 讀誦及解詵  
 受持與書寫 是人已曾見 無量大明力  
 譬如戰場所 他陣放毒箭 以聞藥鼓聲  
 毒消得歡樂 若人聞如是 勝定妙三昧  
 爲他說此法 得明三昧力 當來必成佛  
 唯除身證者 如須彌功德 依者同其色  
 行者有深慧 聞定亦復然 若有人得聞  
 最勝三昧聲 斯人功德聚 猶如大海量  
 決定明三昧 當得於菩提 譬如江河水  
 悉入於大海 異本衆流相 皆同一鹹味

1

1 2 3 4 5 6 7 8 9

20

1 2 3 4 5 6 7 8 9

20

1 2 3 4 5 6 7 8 9 22

若人聞如是 微妙之三昧 卽同菩提性  
 無異無分別 若有諸菩薩 於多億劫中  
 勤修行布施 爲利一切衆 諸佛世依所  
 廣植無量業 是諸菩薩等 涉歷無數劫  
 雖行布施業 得福未爲多 慈心說三昧  
 功德勝於彼 如母能生育 此三昧亦然  
 顯現難思議 諸佛之功德 是人聰慧故  
 常修此三昧 不久當疾得 無上自然佛

### 三法品第十二

爾時不空見菩薩摩訶薩白佛言世尊菩薩摩訶薩  
 具足幾法得此三昧世尊卽告不空見言菩薩若能  
 具足三法得此諸佛所說三昧何者爲三所謂不貪  
 不瞋不癡如此善根若是菩薩住於無貪便得滿足  
 檀波羅蜜心得安住如此法已攝取不貪清淨善根  
 永離貧窮恒得豪富具大威勢如日光曜如是菩薩  
 所修功德皆爲一切諸衆生故所可宣說無不信受  
 得此三昧不以爲難亦當疾成無上菩提菩薩具此  
 妙善功德天人敬信菩薩若復能修不瞋善根之行  
 滿足忍辱波羅蜜也若是菩薩安住忍度若人罵詈  
 刀杖加之解其支節斷其頭首不生一念忿惱之心

101

200

210

220

卷五

佛說法華經三昧大義疏卷五

亦不說他諸惡過咎攝取不瞋清淨善根慈心爲利  
 一切衆生是以修行如此三昧菩薩安住此三昧已  
 得與諸佛世尊常俱乃至夢中不離見佛經行坐臥  
 皆獲安樂諸天護念不見惡夢寤寐歡喜刀不能傷  
 毒亦不害水所不漂火所不燒所資四事恒得豐足  
 是爲一切皆令歡喜疾當得於無上菩提若是菩薩  
 除捨無明具足不癡善根之時正觀修行毗婆舍那  
 卽便攝取不癡善根於一切法決定巧便滿足般若  
 波羅蜜也他求問難疾能答對菩薩具足如是三法  
 速當得此三昧之寶又不空見若是菩薩復具三法  
 當得此定何謂爲三應觀一切諸行無常應觀一切  
 諸行皆苦應觀一切諸法無我菩薩具足如此三法  
 當得斯定疾成佛道又不空見若是菩薩復具三法  
 當得此定疾成無上菩提之道何者爲三所謂供養  
 現在諸佛及以滅度如來舍利若以香華幢蓋繒旛  
 種種珍妙而以奉獻若自供養勸人令行復應發願  
 作如是言以我善根布施因緣願得諸佛所說三昧  
 又不空見復當讚歎現在如來般涅槃佛真實功德  
 讚戒功德定慧解脫解脫知見威儀神通敎化辯才  
 阿蘭若行及以慈悲喜捨之法復更殊勝讚歎佛法

10123456789

200

210

220

儀容相好無量功德既讚歎已復發願言若我讚歎諸佛功德設獲微福以此善根當得諸佛所說三昧疾當得成無上菩提又不空見菩薩摩訶薩於諸佛所聞此三昧功德名字有三隨喜何謂爲三如過去佛往昔已曾修菩薩行求阿耨多羅三藐三菩提如彼諸佛求是三昧我亦隨學求此三昧亦爲自利及利他人聞三昧已卽生隨喜我亦當復隨彼隨喜此是第一隨喜者也又不空見如彼未來諸佛世尊亦當修習菩提之行聞此三昧自利利他生於隨喜我亦隨喜是名第二若諸如來現在世安隱住快樂斷不善行捨諸惡趣變化幻術種種妓樂園基博奕一切諸惡悉皆離之深定大悲無不具足如彼諸佛往昔已曾修菩薩行聞此三昧卽便求之生隨喜心我今亦爾如過去佛而隨喜之是名第三又不空見此三隨喜與發願俱若我所獲善根功德願使衆生常得是定又不空見菩薩具足此三隨喜亦當疾得如此善根功德之聚爲此善根以譬明之如有一人以彼三千大千世界恒沙爲聚於大聚中捻取一沙擲過無量不可思議億那由他無邊世界復取一沙擲

1 2 3 4 5 6 7 8 9 20 1 2 3 4 5 6 7 8 9 20

過無量無數世界如是次第盡大沙聚此諸世界若善筭師筭師弟子能得邊際知其數不時不空見卽白佛言如此人者不能知也唯舍利弗不退菩薩乃能知此世界之量告不空見不可思量若干世界滿中珍寶其高過於諸天所居乃至非想非非想處以此珍寶施諸衆生此善男女得福多不時不空見卽白佛言甚多世尊無量無邊爾時佛告不空見言我當語汝若善男女於諸佛刹滿中珍寶以用施於一切衆生若善男子善女人等聞此三昧三隨喜已發願求於無上菩提亦復欲樂修於多聞是善男子善女人等所獲功德勝彼施福無量無邊不可稱計佛告不空見此念佛三昧卽是一切善根之母如是說者名爲正說

### 佛說菩薩念佛三昧經卷第五

音釋

湶哩

漢他計切鼻液也

壅吐臥切口液也

昫息

煦音舜目動也

癢餘

兩

切膚欲

眩禁絹切目

瘡疣瘡初莊切瘻也

全蒲闊

瘻瘻瘻初瘻也

全切瘻

也擊舉也

渠京切

瞷梵語具云瞷瞷此

漱蘇奏切

蕩口也

澡能

切洗手也

斫削急約

斫利削也

秦佛弟子鎮南燒賣刻此

道場對真州沙彌了因書

江

羅貫

刻

萬曆辛卯冬清涼山妙應庵識

記

卷五

嘉禾

沙彌

東京大学総合図書館所蔵

經

佛說菩薩念佛三昧經卷第六

## 佛說菩薩念佛三昧經卷第六

劉宋天竺沙門功德直共玄暢譯

## 勸持品第十三

爾時世尊告不空見乃往昔世過阿僧祇阿僧祇無邊大劫爾時有佛號寶勝光如來應正徧知明行足善逝世間解無上士調御丈夫天人師佛世尊出現於世無與等者一切人天所共恭敬解脫調伏度生死岸無上最勝第一世尊爲護一切世間之師今世後世皆悉明了所可說法初中後善其義深遠其語巧妙具足清白梵行之相時寶勝光如來世尊於彼

經行與三萬億百千聲聞皆住學地人天恭敬是寶勝光佛從臥而起心生念言此諸聲聞皆住學地當隨所樂爲說深法令彼速得盡諸有漏告不空見寶勝光佛卽時便現大神通力令此三千大千世界徧滿其中皆成烟焰是諸聲聞見此神變不生怖畏皆大歡喜譬如比丘得四禪樂告不空見寶勝光佛於夜後分爲說法故卽現種種神通變化時寶勝光佛告諸聲聞汝等比丘見此三千大千世界烟焰不耶比丘白佛唯然已見比丘當知有爲諸行無常苦空一切諸法皆無有我所以者何此身不淨九孔常流臭穢克滿諸行無常輪轉之法危脆不堅一念不住生老病死之所逼切猶如幻焰水聚泡沫無人無主猶若草木甚可患厭應速遠離佛告不空見是三萬億百千聲聞寶勝光佛說是法時是諸比丘見法住法選擇善法度四顛倒於佛法僧得淨善法能不信他皆得漏盡時諸聲聞同聲白佛如是世尊有爲諸行無常苦空一切諸法皆悉無我此身不淨九孔流溢甚可厭惡應速捨離誠如聖教誠如聖教又不空見有三示現神通示現敎詔示現說法示現時寶勝光佛以此示現如是調伏諸聲聞衆度三脫門空

0 1 2 3 4 5 6 7 8 9

20

1

21

無相願及三萬億百千那由他諸菩薩等皆當成無上菩提告不空見是諸菩薩聞彼世尊說寶三昧開化人天八萬四千億百千歲轉法輪已然後滅度時不空見白佛言世尊彼寶勝光如來出世調伏聲聞爲有幾何正法像法住世幾歲爾時世尊告不空見如是三千大千世界一切星宿可知其數寶勝光佛諸聲聞衆無量無數不可限量寶勝光佛般涅槃後正法住世足八十億那由他歲像法住世十二億歲於是中間有佛出世號曰慈行壽不可稱量其佛身長足一由延國人身量六拘盧舍蓮華周圓亦復如是悉以此華徧布天地一切衆生遊息其上爾時世界名多蓮華其地柔軟猶如鹿茸若觸身時狀若天衣一切衆生快樂無極又如自在諸天宮殿是諸衆生欲度東海珣頃之間便到彼岸南西北方亦復如是若有衆生凡欲所之發心卽至是寶勝光佛初成道已時四海內其地縱廣足八萬億百千那由他諸聲聞衆悉滿其中諸阿羅漢皆各一食唯除阿難金剛密迹及阿逸多八十那由他不退菩薩請彼慈行如來世尊爲諸菩薩說此三昧將欲分別顯示之時一音之中而說偈言

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

若人勤方便 求習出家行 競修最勝法  
摧彼四魔軍 猶如大象王 践踏衆小草  
若人欲疾得 寂定菩提道 爲諸衆生故  
修行此三昧 敦演淨妙法 施彼一切樂  
是人則與佛 同其大悲心

爾時慈行佛般涅槃後有一比丘名曰樹王於正法中廣宣流布是妙經典三昧寶王有轉輪王號帝幢天有大威德政法治世是王有城名帝幢處縱廣正等十二由延城郭樓觀皆是真金種種綵畫衆寶莊嚴其城四面各有三門國界嚴飾如善建城又不空見時王帝幢於夜後分眠寐之中有淨居天來至其所卽於夢中而告之曰大王當知有三昧名諸佛所說念佛三昧若有菩薩修是三昧恒生淨土不離見佛世出世辯無不具足必當疾得無上菩提時王忽然於夢驚寤猶見此天故在其前卽白天曰誰能受持如是甚深念佛三昧天告王曰去此不遠有大比丘名曰樹王常樂受持讀誦敷演如說修行是深三昧爾時帝幢從彼天所受此三昧及比丘名至心憶持不令忘失卽於晨朝捨四天下金輪七寶及八萬億無數百千宮人妓女爲求三昧甚深法故卽與矣

屬同時捨家俱共往詣樹王比丘又不空見時彼四衆天龍八部皆共圍遶有九萬億欲界諸天八萬那由他諸菩薩等亦與眷屬恭敬圍遶樹王比丘時爲大衆說此甚深念佛三昧帝幢大王卽至其所以天真寶散比丘上五體投地至心頂禮復持八萬淨妙金華天曼陀羅沉水末香又以敬心奉散比丘供養旣畢卽與眷屬皆悉出家披淨法服爲欲修習此三昧故供養恒沙無量諸佛具其眷屬求是三昧八萬四千億那由他歲衣服飲食及諸珍寶親近供養樹王比丘常自受持讀誦解說如說修行是妙三昧亦化一切無量衆生大悲爲心初無懈倦帝幢菩薩及其眷屬聞樹王師說此妙法至心受持未曾暫捨深生恭敬恒如佛想精勤修習初不休息樹王比丘皆悉成就彼八萬億百千比丘修菩薩行住不退地然後滅度彼諸眷屬皆亦命過爾時復有佛出於世號閣浮幢如來世尊十號具足帝幢比丘旣值世尊供養恭敬諮詢如是甚深三昧受持讀誦如說修行饒益一切人天世間皆得無上菩提大利帝幢比丘廣宣流布諸佛所說甚深定故過三千劫當成正覺又能成就九億百千那由他等無量眷屬皆悉安住不

退菩提爾時世尊告不空見時帝幢王大比丘者豈異人乎今現成佛號曰高行如來世尊應正徧知十號具足又不空見汝今當知以是三昧威神勢力饒益如是無量衆生以少聞故常值佛世又不空見若有菩薩少得聞此三昧名故常值佛世何況菩薩於今現枉若得聞遇此三昧經受持讀誦其福如上已不可量何況復能廣聞受持讀誦解說如詮修行又不空見若有菩薩乘於大乘辟支佛乘及聲聞乘人天之乘若善男子善女人等或得暫聞是妙三昧是諸菩薩及善男女皆當疾得無上正覺又不空見是諸人等譬如有人枉闇浮提見彼明相決定必知日出不久大光普照闇浮提人因日光明能得分別青黃等色如是不空見若有行者略聞諸佛所說三昧是善男子善女人等不久當得無上菩提猶彼明相知日必出汝當深信此妙三昧受持憶念勿生疑惑又不空見善男子等如劫將盡六日出時一切大地皆成烟焰七日出時三千大千世界之中一切洞然如是不空見善男子等學大乘者有不學者若得少聞此三昧寶書持讀誦解說其義皆當疾得無上菩提又不空見善男子等譬如掘井若見淤泥必定知

水不復遠也又不空見若有菩薩及諸衆生於佛所說念佛三昧應當書寫受持讀誦解說其義如說修行憶而不忘是善男子善女人等不久疾得無上菩提又不空見善男子等譬如有人吞金剛丸時諸聰慧善男子等必知此人定死不久以此金剛極難消故如是不空見善男子等若人於是妙三昧寶受持讀誦廣說深義乃至少聞三昧妙法此善男子善女人等不久當得無上菩提所以者何諸佛所說念佛三昧如金剛故過去未來現在諸佛應正徧知之所宣說分別選擇威神守護令諸行者不失作業菩薩應當如是修習恒欲利益一切世間是名菩薩乘此樂行如忉利天歡喜之園若有見者身心踊悅菩薩如是得此三昧疾成無上菩提正覺於所未聞諸章句等若欲習學得亦不難妙哉往古一切諸佛爲利益故分別示現令滿句義安住法界諸大菩薩攝持擁護敷演教化令樂正道如是法門次第儀式菩薩大士皆應當知又不空見若有菩薩於此諸佛所說三昧若少聞者是諸人等皆當疾得無上菩提又不空見是故我今爲汝分別開示演說汝又當知若得聞此諸佛所說念佛三昧受持解說不久疾得無上

01234567892012345678922

正覺菩提之道是故汝今應當受持讀誦修行乃至  
 書寫亦當廣爲一切四衆國王大臣沙門婆羅門及  
 諸異學分別解說所以者何此等若聞當得滿足無  
 上菩提又不空見若善男子善女人等應當決定至  
 心淨信此深三昧所以者何皆是往古一切諸佛之  
 所稱讚汝今當以不思議意至心憶持深信此定精  
 勤修習令心相續所以者何此三昧者皆是諸佛真  
 實之說隨順佛說至佛行處選擇分別佛所證知甚  
 深寶財諸佛本事往生因緣諸佛法藏究竟祕密諸  
 佛聖印如實智性諸佛真身又不空見此三昧者出  
 生行人無量善根恒得生於大刹利家大婆羅門及  
 餘勝家得大威力終成菩提所以者何諸佛所說念  
 佛三昧甚深妙典能施衆生不虛果故亦令行者得  
 無邊福若有聞者是人獲得無量無邊阿僧祇等不  
 可思議諸功德聚又不空見我今當說譬况之法成  
 滿此義如有智人聞譬則解猶若大施諸菩薩等常  
 於清旦及以中晡日皆三時如來三昧憶念力故以  
 諸珍妙一切雜寶徧滿恒沙大千世界常以奉施億  
 千恒沙如來世尊及聲聞衆經百千億那由他等恒  
 河沙劫如是大施以求阿耨多羅三藐三菩提告不

0 1 2 3 4 5 6 7 8 9 2 0 1 2 3 4 5 6 7 8 9 2 0

經  
佛說菩薩念佛三昧經卷六

空見此大菩薩所得功德寧爲多不不空見言甚多世尊無量無邊不可思議告不空見我當爲汝分別解說此施善根如此諸佛所說三昧第一真實佛口所說若能書寫受持讀誦敷演分別解說之者出生無量諸功德聚比前功德其福甚多何況聞已勸人受持廣爲四衆分別解說又不空見我今說此功德寶聚不可窮盡

諸菩薩本行品第十四

爾時不空見菩薩善現菩薩善歡喜菩薩無量示現菩薩無量力菩薩無量幢菩薩無量明菩薩無量勝勝思菩薩無量定菩薩分別一切法意菩薩分別虛空意菩薩分別無著意菩薩無量寶意菩薩一切寂定自在菩薩善教詔意菩薩如是等比九萬百千億那由他此諸菩薩而爲上首卽從座起更整衣服右膝著地合掌恭敬白佛言世尊我等於此諸佛所說如說修行令心相續乃至菩提常當受持分別宣說所以者何我等皆於諸佛所說甚深經典種種相貌未曾滿足若有多人欣樂勤修則能增長建立安樂

所以者何若能次第修行是法書寫讀誦亦教他人受持解說必能滿足無上菩提漸漸增進成就無餘爾時世尊知諸菩薩摩訶薩等心之所念以佛常法卽現微笑於其面門放雜寶光所謂金銀琉璃碑磲碼碯珊瑚琥珀赤真珠寶種種無量微妙衆色其光普照無量世界明耀朗徹乃至妙世從上還下住佛頂上譬如淨喜天寶帝幢微妙修直甚可愛樂此刹三千大千世界皆悉莊嚴猶若瓊瑤爾時大眾諸菩薩等覩斯神變咸共驚歎善哉希有如來神通時有菩薩摩訶薩名慙愧安定發衆億行卽整衣服右膝著地恭敬合掌瞻仰世尊以天沉水細末妙香及天曼陀奉散世尊卽於佛前而說偈言

調御無與等 色身妙相嚴 猶如天華樹  
 香氣徧十方 具足善行意 修習無量智  
 調御大威尊 慈利諸惡趣 唯願無量智  
 爲說微笑緣 最勝無邊智 大威無等等  
 何故現微笑 願說其因緣 此三千大千  
 一切諸世界 嚴飾如華瓔 淨若忉利天  
 見者皆歡悅 何因現斯笑 盲暝得明視  
 聾者獲聰聽 狂亂果心念 痞瘡皆能言

以何因緣故 示現斯微笑 象馬及衆鳥  
皆發和雅音 一切諸樂器 不鼓而自聲  
今以何因緣 天尊忽微笑 上方諸天等  
及下世間人 一切妙音樂 悉演殊美聲  
何因示斯笑 唯願爲顯說 善哉甚希有  
人天皆相見 以何因緣故 示現此微笑  
調御兩足尊 紗愍衆生故 願聞尊笑意  
令我得淨善

爾時世尊知慙愧安定發衆意行菩薩及餘大士請  
問意故佛卽宣說如恒沙等應正徧知之所說偈  
告諸菩薩衆 汝等且應觀 彼六萬八千  
諸善男子等 往昔已墮落 今還修菩提  
皆誓言我等 各住生死中 當來牟尼所  
當受持此經 皆樂聞此典 最勝不思議  
諸佛所說法 心常無厭足 我今當告汝  
此諸菩薩衆 非唯一佛所 發斯深敬心  
憶念於往昔 三萬六億等 百千那由生  
爲攝法刹故 爾時於是處 初起一切行  
又於彼前生 恒沙大智所 是處初起行  
攝取最勝法 明慧人求法 心常不滿足

恒捨身命財 以求菩提道 憶昔恒沙等  
不可思議劫 時有正覺尊 無量大勝光  
是處初起行 爲求法利故 又於寶勝焰  
大明及電光 難思照一切 是等大仙所  
三業持此法 爲攝最勝道 日光及月光  
難思功德海 具足一切行 如是諸佛所  
是處初發心 爲求勝菩提 又於彼前生  
值遇猛威光 及與師子佛 於彼如來所  
三業受斯法 求第一菩提 於彼過去世  
諸佛恒相繼 師子幢如來 功德悉具足  
是處又發心 爲求法利故 復有他方佛  
號曰勝帝幢 調伏聞世間 於彼諸佛所  
爲求勝法故 攝取無上慧 無量智生等  
不思議諸佛 海音聞高遠 如是世尊所  
三業受斯法 求第一菩提 昔於善眼佛  
猶無邊大幢 發此猛利心 求無量菩提  
又於光力王 變化神刹土 住是大仙所  
以求勝菩提 光焰生調御 無量相德明  
於彼初發心 求此三昧寶 焰光及大眾  
明聚降怨佛 如是世尊所 求法施衆樂

01

2 3 4 5 6 7 8 9 20

1 2 3 4 5 6 7 8 9 21

01 1 2 3 4 5 6 7 8 9 22

一切光如來 難思及日明 無量力善逝  
 無邊定意佛 於彼諸世尊 發心施法樂  
 金華大聖尊 善華香正覺 阿蘭若行佛  
 無漏如來等 如是諸佛所 敬求最勝道  
 此方及他刹 過去無量智 於彼兩足尊  
 受持此三昧 身口意勤修 求第一菩提  
 以此諸善業 供養天中尊 具足滿八萬  
 常求無上道 是諸菩薩等 死此離惡道  
 一切共俱生 恒奉人天尊 永捨邪惑法  
 不生卑賤家 遠離惡知識 親近於善友  
 攝取諸功德 乃至於菩提 當於未來世  
 值遇彌勒尊 供養天中天 攝取勝菩提  
 慈氏尊滅後 師子佛調御 於彼世尊所  
 為法淨三業 攝持諸勝行 以求正覺道  
 賢劫中千佛 無上兩足尊 當爲此菩薩  
 宣說深妙法 是諸善逝子 必獲無礙色  
 過此賢劫已 無量光如來 月顯及賢觀  
 相繼出于世 賢觀佛滅度 其間甚久遠  
 多羅幢如來 紹繼廣開化 彼諸敏慧人  
 為法設妙供 多羅大聖尊 旣入于涅槃

分別世如來 其後次成佛 爲淡三昧故  
奉敬彼法王 分別佛滅度 示現尊出世  
示現聖日沒 華上世所依 次第成正覺  
當生一切見 華上既善逝 優鉢羅勝佛  
出現調世間 當供兩足尊 優鉢羅滅度  
拘修摩世依 其次成菩提 彼佛慧日沒  
莊嚴大勢尊 於是出于世 莊嚴聖眼滅  
次有衆智勝 於彼爲法故 廣設無量供  
衆智勝滅後 善現佛大智 當興于世間  
善現泥洹已 妙持世依師 次爲調御尊  
妙持如來後 善圍繞世尊 第一智當興  
於彼求菩提 善圍繞佛滅 無量光正覺  
大勝無邊明 現前最法王 如是三調御  
相繼出于世 現前慧日沒 最熾念王興  
爲此法利故 供養難思議 知彼當來佛  
一切世主上 受行此菩提 爲求法壽命  
以是諸善業 於此界命終 得供無量壽  
大威降怨佛 既值人中尊 廣設無邊供  
爲得法義利 摄第一菩提 值彼諸世界  
衆多世智所 爲利益衆生 不求五欲樂

奉敬多億佛 當成無礙智 憐愍脫衆苦  
 安樂諸世間 獲最勝菩提 彼糾廣難議  
 衆寶妙莊嚴 無邊淨妙樂 多億那由他  
 是諸菩薩等 讀人中法王 不思議佛智  
 我今告汝等 諸天及世人 若求學佛智  
 則與如來等 是人樂佛智 求習勝菩提  
 以求菩提故 應獲人尊法 諸天龍夜叉  
 迦留摩睺羅 及諸拘槃茶 常深護佛法  
 若人求菩提 護法應如子 若求佛菩提  
 則得大果力 端嚴甚殊妙 色像如真金  
 常爲一切衆 普慧深遠義 具足不思議  
 一切諸功德 淨色百福嚴 世間最上寶  
 人天無比尊 龍鬼莫能護 是人依菩提  
 得供最勝仙 爲利衆生故 開示深定法  
 正念品第十五

爾時衆中思義菩薩捨非義菩薩心勇健菩薩分別  
 心菩薩無慳意菩薩拔煩惱菩薩善思義菩薩衆智  
 菩薩無縛菩薩衆光菩薩智燈光菩薩造智知識菩  
 薩無等煩惱菩薩帝幢天子他化天子皆共恭敬而  
 白世尊言今諸佛之所說者何故名爲諸佛所說云

何佛說何者是佛當云何念名爲念佛爲起身念爲起法念爾時世尊告諸菩薩善哉善哉諸善男子汝等所問甚深難思皆是承佛威神之力生此樂說無礙辯才諸佛所說名爲佛說正念諸法真實之相是名念佛何謂正念莫著一切諸惡誹謗應修一切無譏謗法當離於我及以非我不見衆生壽命宰主育養士夫人及生者莫著作者使作之者陰界諸入想所緣處於一切法今世後世乃至三界無依無染我見諸行無取無捨禪定解脫及六神通如意根力皆提覺分毗舍羅等無量善法略說九萬億那由他不可思議甚深三昧一切諸佛常所念法佛方便慧隨而書寫讀誦敷演方等經典說佛功德名佛所說爾時世尊卽說偈言

常能捨一切 有爲虛危相 不得諸法性  
則獲是三昧 莫著諸誹謗 及憶想分別  
永離我我所 如是得三昧 不於諸陰法  
見衆生壽命 我人及起者 士夫養育等  
亦無分別想 是名爲說法 於諸法不染  
我性及我所 見身非陰生 則得此三昧  
色受想行識 一切空無相 根本皆不淨

知此得三昧 觀諸有爲法 從緣不自在  
一切不真實 虛誑不可取 如彼從緣法  
是卽名眼入 耳鼻等亦爾 皆無有自性  
若能諦分別 得生此三昧 是身虛無實  
陰聚無一淨 九孔流膿血 誰當樂此處  
意入念念滅 虛妄常如幻 若能深分別  
則得是三昧 一切諸入等 皆空無有實  
凡夫猶小兒 癡惑計有身 貪愛之所迷  
不知是虛妄 是身如空聚 衆賊之所止  
可患虛誑法 智者常厭離 如是深觀察  
則得是三昧 隱界入諸法 皆空無一實  
若人能分別 得生此三昧 如焰泡聚沫  
幻化芭蕉等 當觀身危脆 不實倍於此  
若此諸菩薩 如是智不毀 疾得一切佛  
所說深三昧 諸法不自生 亦不從他有  
畢竟無所住 無漏法亦然 若能如是觀  
則生此三昧 捨一切有爲 諸行變異相  
此法如虛空 生者不可得 菩薩如是知  
修學一切法 疾得勝菩提 轉無上法輪  
是菩薩則能 建立於法幢 以不思議智

經

佛說華嚴經卷第十三

十一

用十

分別一切法 皆見是虛誑 畢竟不真實  
我今雖爲汝 宣示此三昧 如是儀式相  
其義甚難知

爾時世尊說此法時有諸菩薩得無生忍又復安住  
念佛三昧是諸菩薩皆見東方如恒沙等諸佛世尊  
說此三昧清淨平等無增無減無二無異其餘諸方  
亦復如是皆有無量億那由他如來世尊俱時皆演  
諸佛所說念佛三昧時諸菩薩聞佛所說身心歡喜  
快得安樂不勝踊躍卽於佛前重以偈頌說其相貌  
歸命世光明 正覺牟尼尊 大法聖醫王

釋迦佛智海 人依師子王 普示諸色相  
見彼東方刹 那由他諸佛 悲愍衆生故  
說法如師子 調伏那由他 如是諸菩薩  
安住童真地 得無生法忍 善順甚深性  
於法無所壞 其餘九方等 相貌亦如是  
悉見多億衆 那由他諸佛 譬如師子王  
恐畏之所依 無漏寂無等 轉第一法輪  
是處無去來 其相亦不住 一切法無實  
性空無生滅 衆生及壽命 士夫亦如是  
一切陰界入 無實如空拳 譬若諸野獸

畢竟無所依 諸法實無生 或身常不淨  
 穢心貪生死 如彼癡嬰兒 多億那由劫  
 恒苦而不厭 是以佛慈悲 爲此說菩提  
 是故諸佛子 常捨身手足 頭目及髓腦  
 妻息妙珍寶 皆悉能棄捨 以此行菩提  
 既能施妻子 倉屬諸外財 又棄天世位  
 身肉及筋骨 能捨是難捨 疾得成正覺  
 施戒最勝果 忍進禪慧等 行慈悲喜捨  
 以求無上智 菩薩應修是 爲利衆生故  
 爾時世尊卽以偈頌答諸菩薩

菩薩若多劫 翳行是真如 不異不分別  
 以此說菩提 其性甚寂靜 難得難可見  
 當起無盡意 修習如是行 是菩薩則得  
 進智近菩提

爾時世尊爲諸菩薩略說四法滿菩提故而告之言  
 諸善男子當學戒品善自防慎守護觀察生智方便  
 常勤修習乃至菩提於諸衆生恒起慈心爲除我見  
 及我所想求於最勝無上菩提乃至捨身及以命財  
 應當守護成就增長如是四法三昧根本  
 大衆奉持品第十六

01

2 3 4 5 6 7 8 9 20 1 2 3 4 5 6 7 8 9 22

佛說三寶文解三昧經卷第

十一

四

爾時世尊知九萬億那由他等諸大菩薩摩訶薩衆皆悉已集復有百千萬億菩薩是等當於彌勒佛時悉得住於不退轉地是時東方九萬九億百千那由他諸菩薩衆梵上菩薩而爲上首南方復有九萬九億諸菩薩衆持誠菩薩摩訶薩等而爲上首西方復有九萬九千諸菩薩衆大智菩薩摩訶薩等而爲上首北方復有九萬九千諸菩薩衆大光菩薩摩訶薩等而爲上首復有住彼歡喜世界無量菩薩皆悉來集梵身天王大華梵王無量梵王皆悉來集復有無邊百千那由他釋提桓因衆念天主而爲上首復有無量百千億萬那由他等四大天王復有無量迦流夜又持鬘夜又常醉夜又復有諸餘天龍夜又乾闥婆王阿修羅王迦畱羅王緊那羅王摩睺羅王羅刹夜又拘槃茶鬼富單那鬼及與迦吒富單那鬼如是種種無數百千大力鬼神亦來枉座爾時世尊應正徧知知諸大衆皆悉已集將爲此等略說斯經功德深重次第之法爲欲調伏諸人天故復作師子聲歎之聲卽爲時會說未曾有此經法者去來現枉三世諸佛之所修行能滅一切諸大苦惱是故諸佛尊重是法已行當行今亦修行是故大士欲求我身應當

尊重真寶之法敬事法者當如敬佛所以者何法不異佛是人求法應到於此若天若龍人及非人能求法者疾捨諸苦行法除苦佛說最勝是故菩薩爲欲利益一切世間求菩提法是諸菩薩則爲已施一切衆生菩提之樂疾得度於生死大海當我須臾說此三昧微妙經王教世間時一切山河及以大地皆悉俱時六種震動時諸衆生皆稱善哉所以者何當佛說此菩薩念佛大三昧王大乘方等微妙經典無邊功德大智海時億百千數那由他等無數世界佛之刹土皆悉六種十八相動及放淨光大明普照爾時虛空無量諸天擊大天鼓聲若雷震又奏和雅調暢之音復有八萬億那由他地神天女持衆寶座從地涌出至世尊前至心恭敬而以奉獻復有主樂乾闥婆王作億百千那由他等種種妙音甚可愛樂復有諸龍及龍王子與大密雲普覆世界雨天曼陀及衆妙華周布大地高百由延時娑竭羅諸大龍王於虛空中變成宮殿衆寶莊校微妙殊特天栴檀末普散此刹三千大千佛之世界復有色界諸梵天王於如來上作寶華蓋徧覆三千大千刹土是蓋處處坐諸寶鈴其鈴皆出微妙之音譬如他化自在天樂爾時

此會一切衆生皆修慈悲喜捨之心既聞法音不勝喜悅各各至心重歸三寶時會聞法無邊衆生皆發無上菩提之心復有無量諸衆生等皆悉深發辟支佛心復有無數諸衆生等皆發聲聞菩提之心復有無量諸刹利王沙門婆羅門毗舍首陀長者居士皆悉獲得須陀洹果斯陀含果阿那含果復有無邊諸衆生等皆證無著阿羅漢果爾時世尊說是經已一切大衆皆大歡喜不空見等諸大菩薩大聲聞衆及諸世間人天八部阿修羅等聞佛所說皆大歡樂頂戴奉行

## 佛說菩薩念佛三昧經卷第六

### 音釋

鹿茸

茸如融切鹿茸初抽之鹿角也

昫

音昫切

踏

跋在演切

泡

踏逢合切

踐踏

跋泡

音施水

水沫莫易切

須臾

臾猶斯須也

臾

臾猶斯須也

臾

臾猶斯須也

臾

臾猶斯須也

臾

臾猶斯須也

臾

臾猶斯須也

臾

信官陳憲

德郭進比丘慧宋共施肯刻此

佛說菩薩念佛三昧經第六卷

嘉永冰彌道奇

對

真州沙彌了因書

漂水毛有爲刻

萬曆辛卯冬清涼山妙德庵識



10

1 2 3 4 5 6 7 8 9

200

1 2 3 4 5 6 7 8 9

210

1 2 3 4 5 6 7 8 9

220

1 2 3 4 5 6 7 8 9

230

1 2 3 4 5 6 7 8 9

240

1 2 3 4 5 6 7 8 9

250

1 2 3 4 5 6 7 8 9

卷之六  
相應參舉  
卷之七  
相應參舉  
卷之八  
相應參舉  
卷之九  
相應參舉  
卷之十  
相應參舉  
卷之十一  
相應參舉  
卷之十二  
相應參舉  
卷之十三  
相應參舉  
卷之十四  
相應參舉  
卷之十五  
相應參舉  
卷之十六  
相應參舉  
卷之十七  
相應參舉  
卷之十八  
相應參舉  
卷之十九  
相應參舉  
卷之二十  
相應參舉  
卷之二十一  
相應參舉  
卷之二十二  
相應參舉  
卷之二十三  
相應參舉  
卷之二十四  
相應參舉  
卷之二十五  
相應參舉  
卷之二十六  
相應參舉  
卷之二十七  
相應參舉  
卷之二十八  
相應參舉  
卷之二十九  
相應參舉  
卷之三十  
相應參舉  
卷之三十一  
相應參舉  
卷之三十二  
相應參舉  
卷之三十三  
相應參舉  
卷之三十四  
相應參舉  
卷之三十五  
相應參舉  
卷之三十六  
相應參舉  
卷之三十七  
相應參舉  
卷之三十八  
相應參舉  
卷之三十九  
相應參舉  
卷之四十  
相應參舉  
卷之四十一  
相應參舉  
卷之四十二  
相應參舉  
卷之四十三  
相應參舉  
卷之四十四  
相應參舉  
卷之四十五  
相應參舉  
卷之四十六  
相應參舉  
卷之四十七  
相應參舉  
卷之四十八  
相應參舉  
卷之四十九  
相應參舉  
卷之五十  
相應參舉  
卷之五十一  
相應參舉  
卷之五十二  
相應參舉  
卷之五十三  
相應參舉  
卷之五十四  
相應參舉  
卷之五十五  
相應參舉  
卷之五十六  
相應參舉  
卷之五十七  
相應參舉  
卷之五十八  
相應參舉  
卷之五十九  
相應參舉  
卷之六十  
相應參舉  
卷之六十一  
相應參舉  
卷之六十二  
相應參舉  
卷之六十三  
相應參舉  
卷之六十四  
相應參舉  
卷之六十五  
相應參舉  
卷之六十六  
相應參舉  
卷之六十七  
相應參舉  
卷之六十八  
相應參舉  
卷之六十九  
相應參舉  
卷之七十  
相應參舉  
卷之七十一  
相應參舉  
卷之七十二  
相應參舉  
卷之七十三  
相應參舉  
卷之七十四  
相應參舉  
卷之七十五  
相應參舉  
卷之七十六  
相應參舉  
卷之七十七  
相應參舉  
卷之七十八  
相應參舉  
卷之七十九  
相應參舉  
卷之八十  
相應參舉  
卷之八十一  
相應參舉  
卷之八十二  
相應參舉  
卷之八十三  
相應參舉  
卷之八十四  
相應參舉  
卷之八十五  
相應參舉  
卷之八十六  
相應參舉  
卷之八十七  
相應參舉  
卷之八十八  
相應參舉  
卷之八十九  
相應參舉  
卷之九十  
相應參舉  
卷之九十一  
相應參舉  
卷之九十二  
相應參舉  
卷之九十三  
相應參舉  
卷之九十四  
相應參舉  
卷之九十五  
相應參舉  
卷之九十六  
相應參舉  
卷之九十七  
相應參舉  
卷之九十八  
相應參舉  
卷之九十九  
相應參舉  
卷之一百  
相應參舉

10

1 2 3 4 5 6 7 8 9

200

1 2 3 4 5 6 7 8 9

210

1 2 3 4 5 6 7 8 9

木ノ二